

361(43:91.542)

Կ-46

ԳԵՐԱՆԱԿԱՆ

ԳԵՐՄԱՆԱԿԱՆ

ՕԳՆ, ԸՆԿԵՐ,

ՏԱՃԿԱ-ՀԱՅԱՍՏԱՆԻ

ՀԱՄԱՐ







1 MAR 2010

IV m

Wfsmeyungge mit funderd Ne zu fobuff
Wfuff - Augtuffenlyff
p bzend nehtes jungewer

befund t

1901. XI 16. ~~Post~~
CPZ ofpu:

Staphend

361(43:91.542)

10-43

պ

ԳԵՐՐԳ ՄԵԼԻՔ-ԿԱՐԱԳԵՕԶԵԱՆ

ԳԵՐՄԱՆԱԿԱՆ

ՕԳՆՈՒԹԵԱՆ ԸՆԿԵՐՈՒԹԻՒՆՆԵՐԸ

ՏԱՃԿԱ-ՀԱՅԱՍՏԱՆԻ ՀԱՄԱՐ

„DEUTSCHE HILFSBÜNDE FÜR ARMENIEN“

(ՀՅՑԱԶՕՏՈՒԹԻՒՆ)



Արտատպւած է «Մուրն» ամսագրից



ԹԻՖԼԻՍ

Տպարան Տ. Մ. Ռոտինիանցի ||| Типография Т. М. Ротинианца

Голов. пр., д. № 41.

1901

1005
ԿԿԵԿԵ

1901-1902

1901-1902

1901-1902

1901-1902

„Deutsche Hilfsvereine für Armenien“
Дозволено Цензурою. Тифлисъ, 11 Января 1901 года.

(1901-1902)

1901-1902



1901-1902

1901-1902

ԳԵՐՄԱՆԱԿԱՆ ՕԳՆՈՒԹԵԼՆ ԸՆԿԵՐՈՒԹԻՒԻՆՆԵՐԸ ՏԽՆԿԱ-ՀԱՅՔԱՍՏԱՆԻ ՀԱՄԱՐ *)

«Deutsche Hilfsbünde für Armenien»

Յայտնի է, որ 1894—1896 թթ-ըի հայկական կոտորածներից լեսույ ամբողջ Եւրոպայում կազմակերպուեցան զանազան ընկերութիւններ, որոնք մինչև այսօր ամեն միջոցներով աշխատում են մեղմացնել կոտորածների ալն սարսափելի տնտեսական հետեանքները, որոնք տիրում են այժմ Տաճկա-Հայաստանում: Այդպիսի ընկերութիւններ ստեղծուեցան 1896 թուին նաև Գերմանիայում. վերջինը, հայկական մարդասիրական գործում ինչպէս ծաւալի, այնպէս և օգնութեան ձևերի տեսակէտներից, եւրոպական ազգերի շարքում, անկասկած առաջի տեղերից մէկն է բռնում:

Իսց այն հանգամանքը, որ գերմանական այդ ընկերութիւնները գերմանական հոգևորականութեան ստեղծագործութիւն են և հոգևորականութեան միջոցով են ղեկավարւում, այլ և այն, որ գերմանացիք գուցէ ամենաեռանդուն կերպով են տարածում օժանդակութեան այդ գեղեցիկ գործը, կատկածանքների տեղիք տւին հայ հասարակութեան մէջ ղէպի այդ օգնութեան անկեղծութիւնը: Ամեն տեղից սկսեցին ձայներ լսելի լինել, թէ գերմանական հոգևորականները իրենց գործում դաւանափոխական և մինչև անգամ բազաբական նպատակների են հետևում: Որքան գնում էր,

*) Արտապատճ է «Մուրճ» ամսագրից 1899, № 12 և 1900, №№ 1, 2, 3, 4:

այնքան այդ կասկածները աւելի արմատանում և լայն ծաւալ էին ստանում, որովհետև նոյն գանգատները սկսան երևան զալ զանազան եւրոպական միջև անգամ... գերմանական թերթերում: Վերջապէս, կասկածանքը հասաւ իւր գագաթնակէտին, երբ յայտնի եղաւ, որ Վ. Պոլսի Հայոց պատրիարք Օրմանեանը մի գրութիւն ուղարկեց մեծ վեզիրին, որի մէջ գտնգատուում էր, թէ բողոքական և կաթոլիկ միտնարները օգտուում են հայերի ներկայ աղետալի դրութիւնից, օգնութիւն անելով միայն այն պայմանով, որ նորա փոխեն գաւանութիւնը: «Kölnische Zeitung» (= Բէօլնիշէ Յայտունդ) գերմանական լրագրին հէնց այդ էր հարկաւոր: Նա արտասպէս Օրմանեանի այդ նամակը և իւր կողմից քննադատեց և պախարակեց գերմանական օգնութեան կոմիտէների գործունէութիւնը ինչպէս քաղաքական այնպէս և բարոյական տեսակէտից: Այդ յօդուածի վերնագիրն էր «Կաւանափոխական գործունէութիւնը Հայաստանում»: Համարեա թէ բոլոր գերմանական լրագրները թարգմանաբար արտասպէցին «K. Z.»-ից Օրմանեանի նամակը և լրագրի լուելուածը, աւելացնելով իրենց կողմից, սմանք գիտութեամբ, սմանք անգիտութեամբ, նոյն նախատինքները հայկական կոմիտէներին: (Բացառութիւն էին կազմում մի քանի առաջնակարգ և երկրորդական թերթեր, որոնց լաւ ծանօթ էր, ինչ նպատակներով են յարձակոււմ «Köln. Zeitung» և նորան համամիտ լրագրները Գերման-Հայկական կոմիտէների վրայ): Այսպիսով արդէն ամենքին և ի հարկէ մանաւանդ հայերի համար պարզ էր դարձել, որ ամբողջ այդ գերմանական օգնութեան գործը մի անբարոյական հիմնարկութիւն է, որի նրպատակն է գերմանացնել հայերին և զրկել նոցա իրենց ազգային եկեղեցուց: Հարկաւոր չէ շատ էլ խորասուզել Գերմանիայի ներկայ տաճկական քաղաքականութեան մէջ, հասկանալու համար թէ ինչ պատճառով այդ «հայրենազուրկ» հոգևորականները, ինչպէս նոցա անւանում եմ գերմանական

շովինիստները, վերջիններին այնքան անդուրեկան են: Սոքա-
քաղաքական և առևտրական շահերի ազդեցութեան տակ, բս-
լորսովին զրկել են բարոյական հասկացողութիւնից: Ինչ վե-
րաբերում է եւրոպական ուրիշ թերթերին, չըպէտք է մո-
ռանալ, որ անգլիական և կաթոլիկ շրջանները հասկանալի
պատճառներով նոյնպէս թշնամաբար են վերաբերվում այդ
ընկերութիւններին:

Ի հարկէ, որպէս իրողութիւն կարող է և ճիշտ լինել,
որ գերմանական պատուրները գաւանական նպատակներին
են հետևում ճաճկաստանում. մեր ասածը այն է, որ հիմնու-
մէ վերջիցնալ աղքիւրների վրայ սխալ բան է: Այն ժա-
մանակ երբ ամենքը լարած ուշադրութեամբ հետևում են
լարձակողների կողմից բղթած տեղեկութիւններին, ոչ ոք չի
փորձել նայել, թէ ինչ են անում, ինչ են ասում, ինչպէս
են պատասխանում գերման-հայկական կոմիտէները: Դոքա
ամեն քայլափոխում պաշտպանում են իրենց գործը լանուն
մարդկութեան և հայրենասիրութեան, և դոցանից կարելի
է շատ բան իմանալ...

Առհասարակ գերմանացիների երևան գալը ճաճկաստա-
նում չի կարող չըհետաքրքրել հայերին, մանաւանդ որ Բեր-
լինի կառավարութեան քաղաքականութիւնը Կ. Պոլսում հա-
կահայկական է, բայց չընայելով դրան, նա շատ օգտակար
է տաճկահայերի ներկայ և ապագայ վիճակի համար. և պի-
տի ցանկանալ որ այդ գերմանական գործունէութիւնը եր-
կար տևի:

Այն քաղաքականութեան մասին մենք արդէն առիթ
ենք ունեցել մանրամասնաբար խօսելու ուրիշ տեղ *, և
նայնը այստեղ չենք կրկնելու:

Բայց հայոց հասարակութեանը չի կարող չըզբաղեցնել

*) Новое Обозрѣніе օրաթերթի 1899 տարւոյ լուլիսի և օգոս-
տոսի համարներում:

և բողոքական պատարհների երևան գալը Հայաստանում: Այդ երևույթը կարող է հետաքրքրել մէկին աւելի կուլտուրական, միւսին քաղաքական, երրորդին դաւանական տեսակէտից: Որոշ չափով ծանօթանալով Գերման-Հայկական ընկերութիւնների գործունէութեան հետ, ինչպէս նոցա պարեքերական և ոչ-պարեքերական հրատարակութիւնների միջոցով, այնպէս և այդ ընկերութիւնների մասին զանազան թերթերում տպած յօդւածների միջոցով, մեզ յաջողեց հաւաքել մի նիւթ, որի նպատակն է, առաջինը—մի պատկեր տալ այդ ընկերութեան ճաճկաստանում, և երկրորդ—այս կամ այն տեսակէտից նսպատել «դաւանափոխական» հետաքրքիր հարցի պարզաբանութեանը:

Շատ լաւ բմբւնելով վերջին հարցի լրջութիւնը, կ'աշխատենք, առանց որ և է կանխադատութեան, ամենայն անկողմնապահութեամբ սուսջ բերել բոլոր աչքի ընկնող ֆաքտերը, թէ թեր և թէ դէմ:

1896 թ. լսյո տեսաւ Դոքա. Իոհան Լեպսիուսի (Lepsius) «Armenien und Europa» (= Հայաստան և Եւրոպա) գիրքը: Աշխատելով ճիշդ տեղեկութիւններ տալ հայերի կոտորածների մասին ճաճկաստանում, հեղինակը զիմում է Եւրոպային և մասնաւորապէս Գերմանիայի հասարակութեան, յոգորելով ուշադրութիւն դարձնել այդ ահռելի իրողութեան վրայ և ըստ կարելւոյն միջամտել:

Այդ գիրքը Գերմանիայի հասարակութեան համար մեծ նշանակութիւն ունեցաւ: Հայկական կոտորածների հետազոտութիւնները անուսմ էին անգլիացիների միջոցով. իսկ դէպի ամեն մի անգլիական տեղեկութիւն, այդպիսի գէպքերում, Եւրոպայում և մանաւանդ Գերմանիայում վերաբերում են բաւականին մեծ կասկածանքով: «Անգլիական ինտրիգ» դարձել է բոլորովին սովորական խօսք: Բայց այնուամենայնիւ, այն ժամանակ Գերմանիայում ամենքը հաւատում էին, որ ինչ-որ սարսփելի բան է պատահում ճաճ-

կաստանում: Հայերը կոտորում են... Իսկ որքան, ինչու և
ովքեր են կոտորում, — այդ պարզ չէր: Գր. Իոհան Լեպսիուս, Բերլինի պատուր, վճռեց այդ
ժամանակ (1896 թ.) դնալ Տաճկա-Հայաստան, կամենալով
անձամբ համոզել, ճիշտ են արդեօք այն սարսափելի լու-
րերը, որ գալիս էին այդ, այն ժամանակ, գոխային երևա-
կայած երկրից: «Armenien nud Europa» այդ ճանապարհոր-
դութեան հետևանքը եղաւ: Նա արտատպւեց «Reichsbote»
(= Պետական Համբաւաբեր) լրագրից: Այդ միջոցով ստանա-
լով կոտորածների մասին տեղեկութիւններ «սեփական» աղ-
բիւրներից, գերմանական հասարակութիւնը դադարեց թե-
րահաւատութեամբ վերաբերել դէպի կոտորածների մասին
լուրերը. լրագրիները, զանազան հրատարակախօսներ և մա-
նաւանդ հոգևորականները շարժւեցին իրենց նախկին ան-
տարբերութիւնից. վերջիները սկսան եկեղեցիներում ճա-
ռեր կարդալ թրքահայերի վերաբերեալ, դրամ հաւաքել,
ժողովներ կայացնել, ուր մինչև անգամ կազմոււմ էին ու-
ղերձներ և հեռագիրներ Գերմանական կայսրին, կոչումներ
դէպի գերմանական ժողովուրդը և այլն: (Հետաքրքիր է, որ
ոչ մի կուսակցութիւն այնպէս խայտառակ կերպով չըվերա-
բերեց դէպի կոտորածները ինչպէս սոցիալ-դեմոկրատները,
այսինք նոքա, որոնք ամենից շատ են գոռում ճշմարտու-
և արդարութեան մասին): Այդ մարդասիրական շարժումի ամենանշանաւոր հետե-
ւանքը եղաւ կազմակերպւած օգնութիւնը հալ սովեալներին
և հալ որբերին: Այդ գործի նախաձեռնութիւնը պատկա-
նում է Գր. Իոհան Լեպսիուսին և պատուր Էրնստ Լոհ-
մանին (Lohmann):

Արտաքին կազմակերպութիւնը, միջոցներու և զործը
ժողովրդականացնելու ձեւերը: Սկզբից, համարեա թէ միա-
ժամանակ, Գերմանիայում կազմւեցան «օգնութեան» վեց
թէ եօթ առանձին ընկերութիւններ: Սոքա, ժամանակի ըն-

Թացքում, միացան և յառաջ բերին երկու մեծ ընկերութիւններ, որոնց կենդրոնները դարձան (և այժմ են) Բերլինը և Ֆրանկֆուրտը (Մայնի վրայ)։ Բերլինը ղեկավարում է Գերմանիայի արևելեան-հիւսիսային մասնաճիւղ-ընկերութիւնները, իսկ Ֆրանկֆուրտը—հարաւ-արևմտեան։ Վերջինները աւելի ասպակենտրոնացած են, քան առաջինները։ Կենտրոնական ընկերութիւնների, այսինքն այդ երկու մեծ ընկերութիւնների անունները մի քանի ամգամ փոփոխումների են ենթարկել։ Այժմ Բերլինինը կոչոււմ է Deutscher Hilfsbund für Armenien («= Գերմանական օգնութեան ընկերութիւն Հայաստանի համար»), կսկ Ֆրանկֆուրտինը—Der deutsche Hilfsbund für christliches Liebeswerk im Orient («= Գերմանական օգնութեան ընկերութիւն քրիստոնէական սիրոյ գործի համար Արևելքում»¹⁾։ Մտադրութիւն կար այդ երկու կենտրոնները, կամ կենտրոնական կոմիտէները, ինչպէս և կոչոււմ են նոքա, միացնել մի ընդհանուր կենտրոնով, բայց մի ժողովի մէջ (Բարմէնում, 18 հոկտեմբ. 1894²⁾), Ֆրանկֆուրտի կոմիտէի վարչութիւնը ընդդիմադրեց այդ ծրագրի իրագործմանը այն հիման վրայ, որ, նոցա կարծիքով, այդպիսի կենտրոնացումը կարող է ոչընչացնել ճիւղ-ընկերութիւնների ազդեցութիւնը գործի վրայ և թուլացնել նոցա գործունէութիւնը։ (Նկատուած է, որ ասպակենտրոնական սիստեմով դրամ աւելի շատ է հաւաքոււմ)։ Յիշեալ վարչութիւնը ցանկանում է իւր կողմից, որ Բերլինի և Ֆրանկֆուրտի կենտրոնների վարիչները տարին մի անգամ գումարեն մի տեղ ընդհանուր գործի մասին վճիռներ կայացնելու համար։

¹⁾ Տես «Mittheilungen aus d. Orient» 1898 № 2, էջ 9.

²⁾ Հասարակութեան մէջ այդ երկու ընկերութիւնները ընդունոււմ են որպէս մի կազմակերպութիւն, և ունին մի ընդհանուր անուն, «Deutscher Hilfsbund für Armenien»։ (= Գերմանական օգնութեան միութիւն Հայաստանի համար).

Այդ երկու կոմիտէները բաղկացած են բազմաթիւ ճիւղ-
ընկերութիւններից (Zweig-Komitees), որոնք ցրած են ամ-
բողջ Գերմանիայում. իսկ այն տեղերում, ուր այդպիսի մաս-
նաճիւղեր գոյութիւն չունին, կան մասնաւոր անձեր, որոնք
կոմիտէների ներկայացուցիչներ են համարոււմ: Օրինակ, «Aus
der Arbeit»³⁾ 1898 թ. փետրւարի համարի մէջ⁴⁾, կարգոււմ
ենք այդպիսի ներկայացուցիչների — մի շարք կանանց բարձր
դասակարգից — անունները:

Դրամական միջոցները հաւաքոււմ են այս կերպ.

1. «Հայկական օգնութեան» գործում մասնակցող քա-
հանաները (=պաստորներ) եկեղեցիներում հայերի վերա-
բերեալ քարոզ կարգալով, առաջարկոււմ են ժողովրդին զրա-
մական օգնութիւն անել նոցա:

2. Ինչպէս կենտրոնական կոմիտէները, այնպէս և ըն-
կերութիւնները ժամանակ առ ժամանակ ժողովներ են կա-
յացոււմ, որոնց նպատակը երկու տեսակ է լինոււմ. ժողովրդ-
դականացնել «հայոց օգնութեան գործը», (կարգացոււմ են
Հայաստանի և հայերի ներկայ դրութեան մասին դասախո-
սութիւններ), և՛ փող հաւաքել: Այստեղ բաժանոււմ են
սենկնդիրներին թուուցիկ և պարբերական թերթեր հայերի
մասին, իրենց գործունէութեան մասին զեկուցումներ. դո-
քա բոլորն էլ «գերման-հայկական կոմիտէների» հրատարա-
կութիւններ են:

3. Այդ հրատարակութիւնների և ուրիշ լրագիրների մի-
ջոցով յայտարարոււմ են հասարակութեան, կենտրոնների,

³⁾ Լիակատար անուն է Aus der Arbeit des armenischen
Hilfswerkes=«Հայկական օգնութեան գործի աշխատութիւնից».
այդպէս է վերնագիրը «Գրիստունէական աշխատ» թերթի լաւելա-
ծի, որ լուս է տեսոււմ ամիս մի անգամ. այդ մասին տես յօդածի
շարունակութեան մէջ:

⁴⁾ Նոյն տեղ, էջ 32.:

ընկերութիւնների և մասնաւոր անձերի հասցէները, որոնցով
ցանկացողները կարող են հայերի օգտին ուղարկել գրամ,
շորեղէն, պարգևներ, գրքեր որբերի համար և այլն:

4. ժողովրդի մէջ տարածուած են երկու տեսակ տետրը-
ներ գրամ հաւաքելու համար (Sammelbücher) A. (Ա.) B.
(Բ): Առաջին տեսակի մի տետրի բոլոր ժողովարարութիւն-
ները մի որբի օգտին, իսկ երկրորդի մէջ — ի նպատակ առհա-
սարակ հայկական օգնութեան գործի: Տետրների մէջ կարե-
լի է գրել 1 Ֆէնիգից (= մօտ $1\frac{1}{2}$ կուպէկից) սկսած:

5. Մասնաւորապէս այդ գործի համար, Փրանկֆոլտի
կենտրոնը (որը առհասարակ անանձին եռանդով է գործում),
պատրաստում է փոքր և մեծ գանձանակներ, որոնց վրայ
գրած է «Հայաստանի համար»: Սուքա ձրի բաժանում են
ժողովրդի մէջ: Մի թուուցիկ թերթի մէջ վարչութիւնը խընդ-
րում է գերմանական քահանաներից, որ նոքա պահանջեն
նորոնից այդ գանձանակները և կախ անեն եկեղեցիների գը-
ռան առջև: Իսկ դիմելով հասարակութեան՝ վարչութիւնը ա-
տում է: «Ինչպէս պէտք է անել, որ օգնեն որբերին և սօ-
վեալներին Հայաստանում: Ախրցրէք գանձանակը, ամեն ճա-
շից կամ ընթրիքից առաջ պցէք նրա մէջ 5 Ֆէնիգ (= 2)
կոպ.», և երբ գալիս է ձեզ մօտ մի քարեկամ, կամ ծանօթ,
խնդրէք, որ նոյնը անէ և նա»⁵⁾:

6. Հայերի օգտին կազմում են վիճակախաղեր⁶⁾:

7. Գերմանական կոմիտէները առաջին օրից սկսած ձրգ-
տում էին հայերին, սոցա քայքայւած հայրենիքում, աշխա-

⁵⁾ Այս գրքեցիկ խօսքերը տպւած են և «Mittheilungen aus dem Orient» թերթի ծածկի վրայ:

⁶⁾ Անցեալ հոկտեմբեր ամսին արլպիսի վիճակախաղ պիտի
կայանար Բերլինում: Ենք շատ վարձացած էինք տեսելով, ինչ-
պէս լաշիալ քաղաքում մի հասարակութեան մէջ պրուսական մի
սպալի մալրը ծախում էր վիճակախաղի տոմսեր, որոնց վրայ գը-
րած էր «Հայաստանի համար»:

տութեան միջոցներ ընձեռներ, որպէս զի գրամ բաժանելով, շտաբի անդամներն նոցա ծուլանալու և ողորմութիւն խնդրելու: Իսկ Լեւոնիստին յաջողեց մինչև անգամ մեծ արհեստանոց կառուցանել Ուրֆայում: Տղամարդիկ և կանայք ստանում նիւթեր և գործիքներ և կատարում են հիանալի աշխատութիւններ. խալիներ, կարպետներ և զանազան արեւելեան ճաշակով ասեղնագործութիւններ: Սոքա բերում են Եւրոպա և մի քանի քաղաքներում վաճառում: Ստացած գրամը նորից դնում է որբանոցների օգտին:

Արդէն 1897 թւականին հայկական ասեղնագործողիւնները և այլն ուղարկւում էին Գերմանիա, Աւստրիա, Ռուսաստան, Շվեյցիա, Զւիցերիա և ուրիշ երկիրներ. այդ առարարկաներից մի քանի քաղաքներում կազմւում են եղել ցուցահանդէսներ: «Ալլգայիսի ցուցահանդէսներ կայացել են արդէն Փրանկֆուրտ՝ նորին գերագանցութեան Տիկին Ֆոն Շտիւլպինադէի սպաններում, Լանաու (Մայնի վրայ)՝ թագաւորական Գեղարեստից ճեմարանի դահլիճում, ճեմարանի պրոֆէսորները և վարժուհիների սիրալիք մասնակցութեամբ, Դեսսաու քաղաքում՝ աւետարանական ընկերութեան դահլիճում, ուր Ծոցին Բարձրութիւններ գրաստիւն, գահատառնագր, արքայազն Էգուարդը և ամուսինը այցելեցին ցուցահանդէսը և շատ բան գնեցին. Գարմշտատ քաղաքում և այլն»⁷⁾: Այս նկարագրութեան վերջում, վարչութիւնը դիմում է ընթերցողին, հարցնելով, «չէ՞ք կարող արդեօք դուք ևս ձեր երկրում մեզ օգնել», նա խնդրում է պահանջել իրենցից հայկական ասեղնագործութիւնների ցուցակը: «Ի՞նչո՞ւ հետ, խնդրում ենք, զնայէ՞ք ձեր բնակչութեան տեղի մի պատուելի վաճառականի մօտ և խնդրեցէք, որ նա այս մարդասիրական գործի համար վերցնի իւր վրայ հայկական ա-

⁷⁾ Unsere Waisenbäuser im Orient» (—Մեր որբանոցները Աւստրիայում 1 ապրիլ—1 հոկտեմբեր 1897, էջ 54.)

սեղնագործութիւնների պահեստը և վաճառումը. այսպիսի խնդիրքի վրայ մինչև այժմ մերժումներ մենք դեռ ևս չենք ստացել»⁸⁾:

8. Զանազան քաղաքներում գոյութիւն ունին կանանց «Կարի ընկերութիւններ Հայաստանի համար» (Nähvereine für Armenien⁹⁾):

Այդպիսի ընկերութիւնները անդամները հաւաքում են միասին որոշ օրերը և շորեր են կարում հայ որբերի համար, նոցանից մէկը կարի ժամանակ կարողում է Հայաստանի մասին, նորա անցեալից, ներկայ դրութեան մասին, վերջին տեղեկութիւնները Տաճկա-Հայաստանից և այլն:

9. Կարելի է լիշել և այն, որ վաճառականներից շատերը որբանոցներին ձրի ուղարկել են շորեր, կօշիկներ, պարզեններ, իրեր, զրգեր և այլն:

Շահեկան են և «Հայկական օգնութեան գործի» ժողովրդականացնելու միջոցները: Այս միջոցները կարելի է բաժանել երեքի.

1. Կրական հրատարակութիւններ, 2. ժողովներ և դասախօսութիւններ, 3. մի շարք ուրիշ սրամիտ միջոցներ:

1. Գեռ ևս տպւում էր «Armenien und Europa» Լեպսիուսի հուշակառք գիրքը «Reichsbote» գերմանական թերթի մէջ և դեռ լուս չէր տեսել որպէս գիրք, երբ Ֆրանկֆուրտի երիտասարդ պատուր Էրնստ Լոհմանը, սարսափած լինելով Լեպսիուսի նկարագրութիւնից, ինչպէս ինքը մի անգամ պատմում էր մեզ, շտապեց հրատարակել¹⁰⁾ իւր առաջին թռուցիկ թերթը «Gedenket Armeniens» («Յիշեցէք Հայաստանը») վերնագրով. տասնեակ հազարներով նա ցրեց

⁸⁾ Նոյն տեղ:

⁹⁾ Բերլինում եթէ չենք ռիսկւում, այդպիսին կազմել է տիկին Ռոսբախը

¹⁰⁾ 1896 թ. Սոսնոսի ամսին էր:

այդ թերթը Գերմանիայում: Ճոյց տալով հայ սովետների և որբերի ահաբեկի թիւը, նկարագրելով նոցա դուրսիւնը՝ Լոհմտնը խնդրում էր գերմանական հասարակութիւնից գոնէ դրամով օգնել տառապեալներին: Անցաւ հազիւ մի ամիս, և յարգելի քահանան սկսեց հրատարակել արդէն մի պարբերական ամենօրեայ թերթ, որը զբաղուում էր *բացառապէս հայերով*: Այդ թերթը, «Auf der Warte» (= Գիտարանի վրայ) անունով, հրատարակեց մօտաւորապէս մի տարի: Auf der Warte-ի փոխարէն երևան եկաւ 1898 թ. հոկտեմբերին «Mittheilungen aus dem Orient, von dem deutschen Hilfsbund für das christliche Liebeswerk im Orient» (= Հաղորդագրութիւններ Արևելքից, գերմանական օգնութեան միութիւնից քրիստոնէական սիրոյ գործի համար): Այս ամսաթերթը որի իւրաքանչիւր համարը բաղկացած է 10—14 էջից, գոյութիւն ունի ցայսօր: Այդ թերթը բացառապէս հայկական օգնութեան գործին է ծառայում: Նա Ֆրանկֆուրտի կենտրոնի օրգանն է: Ինչ վերաբերում է Բերլինի կենտրոնին, սա էլ ունի իւր օրգանը — Aus der Arbeit des armenischen Hilfswerks («Հայկական օգնութեան գործի աշխատանքից»), որը հրատարակուում է որպէս յաւելած միւս ամսաթերթի — Das Reich Christi (= Քրիստոսի թագաւորութիւն), որը ընդհանուր կրօնական թերթ է, և ոչ մի կապ չունի հայկական գործի հետ): Թերթի և յաւելածի հրատարակիչն է Իր. Իոհան Լեպսիուսը, Բերլինի կենտրոնի վարիչը:

«Das Reich Christi»-ից և սորա յաւելածից առաջ նոյն Լեպսիուսը հրատարակում էր, «Der christliche Orient» (= Քրիստոնէական արևելք) ամսաթերթը, որ 1897 թ.-ից սկսած 12 համարով լոյս տեսաւ մինչև 1898 թ. յունւարը: Այս ամսաթերթը նոյնպէս բառառապէս հայկական գործերով էր զբաղուում:

Այսպէս ուրեմն հայկական կոտորածները ճանկատա-

նում պատճառ եղան 4 զերմանական պարբերական թերթերի երևան գալուն, որոնք յատկապէս սովեալների, որբերի, և առհասարակ բոլոր տաճկահայերի ներկայ և ապագայ դրութեան հարցով էին զբաղուում. նոցանից երկուսը զբողուում են մինչև այժմ: Այս հրատարակութիւնների մէջ գտնուում ենք շահեկան նկարագրութիւններ որբանոցների կեանքի, երեխայոց զբաղմունքի մասին, տխուր տեղեկութիւններ սովեալների մասին, «Օգնութեան գործի» հաշիւներ, բացատրութիւններ իւր գործունէութեան նպատակների և միջոցների մասին. այստեղ կարգում ենք մանրամասն քրրոնիկոն այդ գործունէութիւնից, քաղած քներ գերմանական թերթերի բանակոււից հայերի վերաբերեալ, փոքր լօգւածներ հայերի, նոցա պատմութեան, եկեղեցու և ընդհանուր դրութեան մասին. այս թերթերը լի են վերին աստիճանի հեռաքրքրական պատկերներով որբանոցների կեանքից և այլն:

Բացի այս պարբերական թերթերից, ժամանակ առ ժամանակ, հարկաւոր դէպքերում, կենտրոնները ինչպէս և մասնաճիւղ ընկերութիւնները հրատարակում և տարածում են թուուցիկ թերթեր: Նահեկան է դոցանից մէկը, որը յալանի պատար Նաումանի հայերի մասին արտայայտած կարծիքի առիթով լոյս տեսաւ. ամբողջ թերթը լի է պախարակումներով, որ մի գերմանացի (Նաուման), այն էլ պատար, կարողացել է այդպիսի անբարոյական միտք արտայայտել: այս թերթիկի մասին կը խօսենք լետոյ աւելի ժամրամասնօրէն:

Յրանկֆուրտի կոմիտէն հրատարակել է նոյնպէս մի գեղեցիկ ալբոմ (գինը 1 ուուրլի) զոյնաւոր պատկերներով, արևելեան կեանքի և գերման ընկերութիւնների գործունէութեան նկարագրութիւններով: Վերը, խօսելով դրամ հաւաքելու միջոցների մասին, ասացինք, որ ինչպէս կենտրոնական կոմիտէները, այնպէս և ընկերութիւնները կազմում

են «Հայկական» ժողովներ: այս ժողովներում տալիս են ուն-
կնդիրներին նույնպէս զանազան տեղեկութիւններ Հայերի
անցեալից և ներկայից, աւելացնենք, որ «Հայկական օգնու-
թեան» գործիչները յաճախ օգտուած են դէպքից ուրիշ ժո-
ղովներում, որոնք ըստ ծրագրի ոչ մի կապ չեն ունենում
Հայութեան հետ, մի քանի խօսքով նույնպէս ծանօթացնելու
ժողովը Հայերի գրութեան և գերմանացիների գործունէու-
թեան մասին: Բացի այդ, Թրանկֆուրտի կոմիտէն մի յայտա-
րարութեամբ ծանուցանում է որ Վոցա համար, որոնք կա-
մենում են որ և է տօնի աւիթով, կամ որ և է ժողովում,
կամ մի ուրիշ տեղ՝ Հայաստանի մասին զաստիստութիւն
կարգալ, նա ուրախութեամբ պատրաստ է նիւթեր տալու):

3. Հայկական օգնութեան գործի ժողորգականացման
մասնաւոր միջոցներից կարող ենք անւանել հետևեալ-
ները. սուերային պատկերներ ընկերութիւնների գոր-
ծունէութիւնից Տաճկա-Հայաստանում, փոքր և մեծ գտն-
ձանակներ, տասը տեսակի բաց նամակները, որոնց վրայ
կան գունաւոր և ոչ գունաւոր պատկերներ Հայկական կեան-
քից, որբանոցների գործունէութիւնից, Հայկական զարդե-
րից, նոցա մի քանիսի վրայ տպած են գեղեցիկ գերմանա-
կան ստանաւորները հրաւերով օգնել Հայերին, նամակի
թղթեր, ծրարներ, շնորհաւորութեան և ողջոյնի քարտեր
նոյն պատկերներով և այլն: Սոքա բոլորը ծախուած են շատ
էժան գնով: Լերջապէս լիշենք պատի մի մեծ օրացույց
(Բերլինի կոմիտէի հրատարակութիւն), օրացույցը բաղկացած
է մի երեսից, մի մեծ տպագրական թերթի մեծութեամբ.
նորա գլխին մեծ տառերով գրւած. «Deutscher Hilfsbund für
Armenien», (= Գերմանական օգնութեան միութիւն Հայաս-
տանի համար), և վերնագրի մի կողմը Վեհափառ Կաթողի-
կոս Մկրտիչի, միւս կողմը պատկերներ Ուրֆայում սպան-
ւած հայ բողոքական պատարի (1), մէջ տեղը Փոքր-Ստիպի

և Տաճկա-Հայաստանի քարտէզը¹¹⁾, իսկ շուրջը՝ պատկերներ որբանոցների կեանքից, տեղեկութիւններ «Hilfsbund»-ի (= Օգնութեան միութեան) գործունէութիւնից, և այլն:

Հաւասարած դրամի գործադրութիւնը: Սկսելից, երբ դեռ որբանոցները կառուցած չէին, տաճկահայերի համար, բոլոր հաւաքւած գումարը գործածուած էր անմիջական օգնութեան վրայ, այսինքն սովի գաւառներում հայերին բաժանում էին հաց, սերմացու, շորեղէն, դրամ և այլն: Հետըզհետէ, երբ որբանոցները սկսան սարքել, դրամների մի մասը կարգադրեցին մսխել այդ հիմնարկութիւնների վրայ, և որքան սոցա գործունէութիւնը աճում էր, այնքան նոցա վրայ ծախսւած գումարը աւելի մեծ էր դառնում, համեմատած անմիջական օգնութեան համար ծախսւած գումարի հետ: Հիմա նոյնպէս դեռ ահագին գումարներ են ծախսուած անմիջական օգնութեան վրայ¹²⁾, բայց աւելին գնում է արդէն որբերի օգտին¹³⁾, թէպէտ և պէտք է նրկատել այստեղ, որ գումար նւիրողին վերապահւում է իրաւունք, որոշել ինչ նպատակին պիտի ծառայէ նորա գումարը: օրինակ, Փրանկֆուրտի կամ Բերլինի կենտրոնների օրգաններում, նւիրողների ցուցակում կարելի է կարգաւ այսքան դրամ—հալ որբերին, այսքան—համ կանանց այսքան—հալ գիւղացիներին, և այլն:

¹¹⁾ Քարտէզի վրայ նշանակւած են քաղաքները, ուր ընկերութիւնները ունեն որբանոցներ:

¹²⁾ Մի ղեղեցիկ կազմած թուրքիկ թերթում (Ֆրանկֆուրտի) կարդում ենք Սոփիաներին և կառուցող արհեստանոցի համար, որի նպատակն է ամաչացած գաւառներում տիրող կարօտութիւնը ոչնչացնել, հարկաւոր է մեզ տարեկան 50,000 մարկ:

¹³⁾ «Deutschland unter den Armenien». Dr. P. Rohrbach. («Գերմանիան Հայերի մէջ», դոքտ. Պ. Ռոհրբախի), տպւած Preussische Jahrbücher ամսագրի մէջ 1899 թ. մայիս, էջ 316:

Քայլ տառնձին ու շաղրութեան արժանի է այն հանգամանքը, որ այդ որբանոցները պահուած են ոչ թէ պատահական կերպով հաւաքած դրամով, այլ մի քանի տարիներով ապահոված գումարով. այդ ապացուցանում է գերմանացու այն հիմնականութիւնը և լըրջութիւն որ նշմարուած է իւր բոլոր ձեռնարկութիւնների մէջ: Եւ լիրաւի, եթէ որբանոցները մօտաւոր ապագայի համար ապահոված չը լինէին, կոմիտէները ամեն օր պիտի սպասէին այն ըստէին, երբ զրամի սակաւութեան կամ վերջանալու պատճառով, ապակած պիտի լինէին որբանոցները փակել և երեխայի տարածակէլ փողոցը...

Դիտելու է հետևեալը:

5001
ԲԻՆԻՅ



Ամեն մարդ, որ մի շարք տարիներու ընթացքում կարող է վճարել 150 մարկ¹⁴⁾ ստանում մի հայ երեխայ, որը, որը այդ հաշուով ընդունուած է կառուցուած որբանոցներից մէկի մէջ. վճարողը ընդունուած է այդ որբի «Հոգացող հայր» կամ «մայր» (Pflegevater Pflegemutter):¹⁵ Կան գէտքեր, որ մի որ և է գերմանացի մի քանի հայ որբերի «հայր» է հանդիսանում. լինում է և ընդհակառակը, — որ մի որբունի մի քանի «հայրեր» երբ մի խումբ անձեր պահուած են մէկ կամ աւելի որբեր. Իոյնը անում են զանազան ընկերութիւններ, եկեղեցիները և այլն. Ամեն մի որբանոց ունի և ուսումնարան իւր զաւակների համար: Բնականաբար բաւականին դրամ է մտնում և ամբողջ ուսուցչական մարմինի վրայ, ուսուցչական առարկաների և այլք: Վերջապէս ի-

¹⁴⁾ Յրանկիքուտի կոմիտէն նշանակել է 150 լսկ Բերլինինը 100 մարկ: Բվ. Ռոճաբախը կարծում է, որ ինկատի ունենալով ներկայիս թանգութիւնը, 100 մարկը այլ ես բաւական չէ: Տես նորա լինալ աշխատութիւնը էջ 317.

¹⁵⁾ «Ծնողներին» և որբերի հետաքրքրական լուրարեութիւնների մասին լետու:

շենք և այն հիմնարկութիւնները, որոնց մասին վերև խօսք կար. դռքա՛ արհեստանոցներն են: Սոցա բարոյական և գործնական նպատակի մասին այսպէս էր գրում Խարբերգից մի գերմանացի գեւ 1897 թ. «Զինել արհեստաւորներին իրենց արհեստի գործիներով և միջոց տալ նոցա նորից (այսինքն, կոտորածներից և կողոպուտներից լետու) աշխատել, — այդ օգնութեան գործի ամենալաւ միջոցներիցն է, և սա պիտի գործածւի ամենայն եւանդով... Գիւղացիների, ատաղձագործերին, կօշկակարներին և ուրիշ արհեստաւորներին բաժանեցինք մենք գործիքները, որպէսզի կարողանան նոքա հաց վաստակել»: ¹⁵⁾

Ամբողջ այս օգնութեան գործի վրայ Բերլինի և Ֆրանկֆուրտի կոմիտէները միասին ծախում են 350 հազար մարկ (= 165,000 ուլբլի) տարնկան, և սորա մեծ մասը ընկնում է Ֆրանկֆուրտի կոմիտէի վրայ: Այս 350 հազարից 250 հազար, այսինքն աւելի քան 113 հազարը մի շարք տարիների համար ապահովացրած գումարն է, ¹⁷⁾ իսկ սկզբից, ուրեմն 1895 թ. սեպտեմբերից մինչև 1899 զարունքը կոմիտէների միջոցով անցել է Գերմանիայից հայերի օգտին 1 միլիոն 800 հազար մարկ ¹⁸⁾ (830,000 ուլբլի). եթէ աւելացնենք այս թւին և այն գումարները, որ ուղարկւած են ելել հայերին ուրիշ միջոցով (սչ կոմիտէների), այն ժամանակ Գերմանացիներից տաճկահայերի օգտին ուղարկւած գումարի ընդհանուր թիւը կը հասնէ համարեա 2 միլիոն մարկի: «Այս գումարի մեծ մասը գործադրւել է տառաւղայիների անմիջական օնութեան գործին: ¹⁹⁾

¹⁵⁾ «Der christliche Orient» 1897 մայիս—յունիս №2, էջ 287.

¹⁶⁾ Տես Ռոհաբախ'ի լիշած լողածք էջ 316—317.

¹⁷⁾ Սոցանից Բերլինի կոմիտէն մինչև 1899 մարտի 14 մընխել էր 613,497 մարկ. (աբձանագրութիւն տարւայ ընդհանուր ժողովի Բերլինում: Aus der Arbeit arm. H» 1899 April, էջ 43).

¹⁸⁾ Ռոհաբախ'ի լիշեալ լողած. էջ 316.

Իսկ ամբողջ Եւրոպան, և Հիւսիսային Ամերիկան աւել
են մինչև այժմ 10 միլլիոն մարկ (4 միլիոն 600,000 ռուբլի):

*
* *

Ո Ր Բ Ա Ն Ո Ց Ն Ե Ր

Բերլինի կոմիտեի որբանոցները ²⁰

Որ քաղաքում	Հիմնարկութիւններ	Որբերի թիւը
Ուերֆայ (Տաճկաստ.)	5 որբանոց, 1 արհեստանոց, 300 որբ 1 Հիւանդանոց բնակիչների Համար, 1 մասնաւորապէս որբանոցի զաւակների հա- մար և 1 զեղատուն:	
Պիարբեքիր (Տաճկ.)	1 որբանոց	120
Ուրմիայ (Պարսկաս.)	1 »	80
Խոյ (Պարսկաստան)	1 »	136
Ռուչչուկ (Բուլղար.)	1 »	20
Վարնա (Բուլղ.)	Մտադրութիւն կայ բա- նայ մի ապաստարան:	

Ընդամենը 654 որբ

Փրանկֆուրտի որբանոցները (քոլորն էլ Տաճկաստանում)

Որ. ք.	Հիմնարկութիւններ	Որբերի թիւը
Բեբեկ (Պոլսի մօտ)	1 որբանոց	95 աղջիկ
Մեսսերիչ	4 որբանոց, մի Հիւանդանոց և մի ապտտարան այրի և	155 տղայ 121 աղջիկ
Հիւանենիկ	3 որբանոց	10 տղայ 31 աղջիկ

²⁰ Թւերը քաղում ենք Բերլինի—Կենդրոնի օրգանից, Aus der Arbeit des armenischen Hilfswerks, Now. 1899 էջ 1.

Պիրջենջ	2 որբանոց	40 տղայ 12 աղջիկ
Պալու	4 որբանոց	80 տղայ 70 աղջիկ
Մարաշ	3 որբանոց և 1 արհեստանոց	78 տղայ 100 աղջիկ
Վան	2 որբանոց	170 որբ
Ստամբուլ քէշ (Ամալսիայի մօտ)	2 որբանոց, այս երկու որբանոցներին պատկանում է և ահագին տարածութեան մի կտոր հող (4,000 գերմ. մորգէն) «չափահաս որբերի բնակութեան համար»: Այստեղ կան փականքի, ճախարակագործութեան և աղիւսի գործարան:	10 տղայ
Հաճին	1 որբանոց	100 որբ
		<hr/> Ընդամեն . . . 1,077 ²¹ որբ

Եթէ այս գումարին աւելացնենք և այն որբերի թիւը որոնք այս կամիտէի միջոցով բերւած են Գերմանիա և տեղաւորւած են զանազան գերմանկան ընտանիքներում 65²² որբ

Կը ստանանք . . . 1,142 որբ

²¹⁾ Ինչպէս տեսնու՞մ է ընթերցողը, մի քանի քաղաքների վերաբերեալ ցույց չէ տրւած տղաների և աղջիկների թիւը առանձին, ուստի մեզ մնում է ցույց տալ երկու սեռից ընդհանուր գումարը: Քերլինի կոմիտէն ամենևին չէ ցույց տալիս սեռի թիւը առանձին:

²²⁾ Այդ պատահել է անմիջապէս կոտորածներից լետուց, երբ կոմիտէները դեռ չունէին ապաստարաններ Արևելքում: Այս 65-ի առիթով յատնում է համապատասխան կոմիտէն, որ նա չպէ՛տ նա չի բերում որբերը Գերմանիա»:

Աւրեմն Բերլինի և Պրանկֆուրտի կոմիտէները ²³⁾

միասին պահում են ընդամէնը 1,798 որը

Այստեղ ևս կը նկատենք, որ ամբողջ Եւրոպան և Ամե-
րիկան միասին պահում են մինչև 6000, (կամ ըստ ուրիշ
աղբիւրների — 5000) հալ երեխաներ, արդեօք սօքա ամենքը
որը են, այդ լայտնի չէ մեզ:

Այս որը-սպաստարանների գլխաւոր հսկողները, տեսուչ-
ները գերմանացիք, կամ աւելի ճիշդն ասած, ոչ-հայերը,
եւրոպացիք են. իսկ երկրորդական պաշտօնները արւում են
և հայերին: Սոցա գանոււմ ենք հետևեալ պաշտօններում —
վարժապետի (հայերէն լեզւի), վերակացուի, «տան ծնողնե-
րի» — Hauseltern (սրանք, ինչպէս երեւում է, նման են
«տան մշակներին») և այլն:

ԿԵԱՆՔԸ ՈՐԲԱՆՈՑՈՒՄ ԵՒ ՈՒՍՈՒՄԸ

Այստեղ գործադրում այն սկզբունքը, որ երեխան
ըստ կարելոյն պիտի անէ ամեն բան, ինչ որ անհրաժեշտ
է նորա կենքի համար: Հետևեալ ցուցակը (Բերեկի աղջկե-
րանց որբանոցի), որը նկարագրում է որբանոցի մէջ տիրող
կարգը և կեանքը, պարզ ցոյց է աւելն աչդ:

Ժամը 6¹/₂-ին (առաւօտեան) անկողնից վերկենալը: Մե-
ծերը լանոււմ են փոքրերին և հագցնում են նոցա: Երկու
մեծ աշակերտներ հետևում են միջակների երես լանալուն
և երկու ուրիշ մեծերը մաքրում են դպրոցի սենեակը:

Ժամ 7¹/₄ Նախաճաշիկ:

Ժամ 7¹/₂ Առաւօտեան աղօթք:

» 8—11 Դասեր I. և IV. դասարաններում:

²³⁾ Աւելի ճիշդ կը լինէր ասել «սպաստարան են տուել», որով-
հետև լինելով 65 որբերը կոմիտէների հաշուով չեն պահուում:

» 11—12 Ասեղնագործութիւն IV. դասատան և խա-
ղեր I. դասատան:

» 8—10 Տնային աշխատանքներ (Hausarbeiten)
(II. և III. դասատան աշակերտներ):

4 երեխայ մաքրում են ճաշի սենեակը, ափսեները
և բաժակները:

3 երեխայ մաքրում են բոլոր լամպարները:

3 » օգնում են ութոյելու:

2 » օգնում են խոհանուցում:

10 » մաքրում են սանդուխքները և շաքաթը մի
անգամ լւանում են:

8 » սրբում են կօշիկները { փոփոխաբար ա-
մաքրում են կանաչեղէնը } մեն մէկը 1 ժամ:

2 » մաքրում են կլոզէտները:

2 » աւելում են դասատուները (այն աշակերտ-
ների համար, որոնք պարտաւում են այս-
տեղ կէսօրից լետոյ):

6 » կարկատում են:

Ժամ 10—12՝ ուղբերը ժամը 10-ից լետոյ տնային աշ-
խատանքը վերջացնում են արդէն, դասերն են պատրաստում
(Schularbeit) և ով որ այս էլ վերջացնում, օգնում է կար-
կտանքի գործում կամ զբաղւում է ասեղնագործութեամբ
IV. դասատան աշակերտների. հետ:

Ժամ 12—1^{1/2} ծառ և ազատ ժամանակամիջոց:

» 1^{1/2}—3^{1/2} Գասեր IV., III. և II. դասատ. մէջ:

» 3^{1/2}—4 Հանգստութիւն: Տալիս են հաց և կաթ:

» 4—5 Գասեր II., III. և IV. դասարաններում:

» 5—6 Գասեր I. և III. դասարաններում. IV. դա-
սարանի աշակերտները պատրաստում են իրենց
դասերը:

» 6—7^{1/2} Անթրիք, աղօթք և ազատ ժամանակ:

» 7 Սեծերը տանում են փոքրերին քնացնելու:

Ժամ 7^{1/2}—8^{1/2} IV և III դաս. աշակերտները պատ-
րաստում են իրենց դասերը:

» 8 Քնում են II դասատան աշակերտները:

» 8^{1/2} Քնում են III և IV. դասատան աշակերտները:

Տեսլին աշխատանք փոխում է ամեն շաբաթ:

Որբանոցները, ինչպէս տեսնում է ընթերցողը, միևնույն
ժամանակ և ուսումնարաններ են: Պատկեր տալու համար,
թէ ինչ ուսում են ստանում նոցա մէջ հայ երեխաները, կը
քերենք Բեբեկի աղջկանց որբանոցի դասերի ցուցակը ²⁴⁾:

	1 դասատ.	2-դ դաս.	3-դաս.	4-դ դաս.
Կրօն	3 ժամ ²⁵⁾	4 ժամ	4 ժամ	6 ժամ
Հայոց լեզու . . .	3 »	4 »	4 »	4 »
Գերմաներէն . .	4 »	4 »	4 »	4 »
Փրանսերէն . . .			2 »	4 »
Անգլիերէն . . .				2 »
Թուրքերէն . . .				2 »
Պատմութիւն . .				2 »
Աշխարագութիւն.			1 »	2 »
Թւաբանութիւն .	2 »	2 »	2 »	3 »
Երգեցողութիւն .	2 »	2 »	2 »	2 »
Նկարչութիւն . .			1 »	1 »
Զեռքի աշխատանք	4 »	4 »	4 »	4 »
Ասեղնագործութիւն				6 »
Ընդամէնը . . .	18 ժամ	20 ժամ	24 ժամ	42 ժամ

²⁴⁾ Նախնիաց թւերը վերցրած ենք Ֆրանկֆուրտի կրօնաւէի
մի թուոցիկ թերթից. նոյնը արտատուած է և իւր օրդանի. Mit-
theilungen aus dem Orient vom deutschen Hilfsbunde für d.
christliche Liebeswerk im Orient. 1899 № 7.

²⁵⁾ Unsere Waisenhäuser im Orient. Zweiter Bericht des
«Deutschen Hilfsbundes für Armenien. 1897 էջ 18.: Այս միակ
ցուցակն է, որը մեզ լաջողակ է գտնել. Աւելի շահեկան կը լինէր
ծանօթանալ, ինչպէս աղջիկների աշխատանք և տղաների դպրոցների
նոր ցուցակների հետ, բայց Հիլֆսբունդի բոլոր հրատարակու
մների մէջ չըկարողացանք այդպիսին գտնել:

Այս ցանկից երևում է, որ գերման ընկերութիւնը (Հիլֆսբուրգը) տալիս է, գոնէ ինչ վերաբերում է աղչիկներին, իւր հայ որբերին աւելի գործնական, քան տեսական գիտելիքներ: Ահա այն առարկանները, որոնք առաջի զասարանից մինչև վերջինը անընդհատ ուսուցանում են. կրօն, հայերէն, գերմաներէն, թւաբանութիւն, երգեցողութիւն, ձեռի աշխատանք. իսկ պատմութիւնը, նկարչութիւնը, աշխարագրութիւնը, Ֆրանսերէնը, անգլիերէնը սկսում են բարձր զասարաններից, այն էլ սակաւաթիւ ժամերով (բացի Ֆրանսերէնը): Բացի այդ շահեկան է համեմատել կրօնի, գերմաներէնի և հայերէնի ժամերի թւերը: Կրօնը ունի 17 ժամ, գերման. լեզուն—16, հայերէնը—15: Այս վերջին համեմատական թւերի վրայ որ և է մէկը գուցէ և կարողանար ցոյց տալ, ինչպէ՞ս ապացոյց այն կասկածանքների հիմնաւորութեան, որոնք տարածւած են առ հասարակ մեր հասարակութեան մէջ, այսինքն. 1) որ Հիլֆսբուրգը ձգտում է իւր հիմնարկութիւններով բողոքական գործնել հայերին և 2), որ նա մտադիր է հայ որբերից դատարկել սչ թէ հայեր, այլ գերմանացիք: Թէպէտ ես չեմ կարծում, որ Հիլֆսբուրգի գործիչները իրենց հայկական օժանդակութեան գործում ղեկավարեն լիւր մարդասիրական ըզգացմունքներով ազատ որ և է միտումից, այնու ամենայնիւ կ'պնդեմ, որ յիշեալ կասկածները գոնէ այն տեսակէտով և պարզաբանութիւններով, որոնցով նոքա առ հասարակ արտայայտւում են—*«Այլ էն «Օգնութեան միութիւնը» անշուշտ ունի բողոքական ձգտումները Տաճկա Հոյսաւատանում, բայց այդ կրօնական ձգտումները բոլորովին այլ տեսակի են, քան թէ մենք նոցա երևակայում ենք. այդ կ'փորձենք պարզել չետոյ, առայժմ կը բերենք գերմանական ընկերութիւնների հրատարակութիւններից մի քանի քաղաւածներ, այդ երկու կէտերը՝ հաւատաւորութեան (պրոպելիտիզմ) և ապագգացումի (dénationalisation) հարցերը լուսաբանելու համար»*

ԱՊՍԱԶԳԱՅՆԱՅԻՈՄԻ ՀԱՐՑԸ: Հիլֆսբուհի հրատարակութիւններից և յորա գործիչների նամակներից չի երևում, որ հայ որբերի դաստիարակութեամբ նա կամենար գործել հակահայկական ուղղութեամբ. հայ որբերը զրկել իրենց ազգութիւնից, խլել իրենց ազգից—այդպիսի ձգտումներ բոլորովին բացակայում են այստեղ: Ընդհակառակն, «Սոսուլթանս միլլութեան» գործիչները յըրաւան կերպով ասում են, ինչպէս կ'տեսնենք ներքև, և աշխատում են որպէս սկզբունք անցկացնել հետեւեալ գաղափարը. հայ որբերը—հայ են ևւ պիտի հայ մնան. պալազայում նորա պիտի գործեն իրենց ազգի ևւ հասարակութեան օգտին:

Յայտնի ամերիկական միսսոնար գ.ր Ռայնոլդս (Reynolds), որը տասնեակ տարիներ հայ երեխաների դաստիարակութիւնով է զբաղւել Տաճկաստանում և որին գերմանական Ֆրանկֆուրտեան կոմիտէն յանձնել է տալ իւր Վանայ որբանոցի ղեկավարումը, գրում է. «Ամենից առաջ մենք ցանկանում ենք դաստիարակել երեխաներին մաքուր և օգտաւէտ կեանքի համար և որքան կարելի է կրթել նոցա որպէս հայերի, որպէս զի, եթէ պայմանները այդ թոյլ կը տան նոքա վերադառնան իրենց տները առանց դժարութեան: Մեր դաստիարակութիւններով յոյս ունինք միջոց աւելնոցա կրթողական կերպով ազդելու իրենց շրջանի վրայ»²⁶⁾:

Նոյն գաղափարը, այսինքն, որ որբերի կրթութեան մէջ ի նկատի է առնւում զոցա ապագայ գործունէութեան հայկական շրջանը, երևան է գալիս գ.ր Բելկի (Belek) և գ.ր Լեհմանի (Lehmann) հաշւետւութիւնից (Bericht): Այս անձերը, որոնք Վանի սեպաձև գրութիւնների ուսումնասիրութեան համար այդ քաղաքում երեք ամիս (1899) անցկացրին, հիւր են եղած գ.ր Ռայնալդսին և իրենց հաշւետւութեան մէջ յիշել են նաև իրենց տեսնածը:

²⁶⁾ Zweiter Bericht über die Arbeit der Armen-Commission in der türkischen Provinz Van, S. 15.

մասին: «Կարելի է յուսալ, գրում են սոքա ի միջի ալլոց, որ եթէ այստեղ (այսինքն, չիշեալ դպրոցներում) դաստիարակւող տղանները և աղջիկները, որոնցի ոմանք բոլորովին անուսում են եկել դպրոցը, կ'վերադառնան (չետով) իրենց գիւղերը, որպէս ուսուցիչներ, արհեստաւորներ և հաւատարիմ քրիստոնեաներ, դոքա զրդիչ՝ օրինակ կ'լինին իրենց հայրենակիցների համար և օրհնեալ միջոց ամբողջ ազգի մտաւոր և բարոյական մակերևոյթը բարձրացնելու համար»: ²⁷⁾ «Մենք չենք ուզում», գրւած է ուրիշ տեղ, «երեխաներին բարձր ուսում տալ, որը նոքա յաճախ ստանում են ամերիկական վարժարաններում. ամենագլխաւորը, ինչ որ սրկաս է, այդ — հմուտ արհեստաւորներն են: Այդ նրպատակով Մեսսերէյում սարքել ենք մենք չափահաս տղաների համար արհեստանոցներ, ուր նոքա սովորում են կոշկակարութիւն, դերձակութիւն և ատաղձագործութիւն»: ²⁸⁾ Այս խօքերը կողմնակի կերպով ապացուցածն են նոյն ցանկութիւնը — հայ որբերը կրթել հայերի համար և համաձայն իրենց պահանջներին: Հետաքրքիր է նոյնպէս, որ պատտոր Էլնաս Լոհմանը, Ֆրանկֆուրտի կոմիտէի վարիչը, այցելելով 1899 թ. սկզբին Փոքր Ասիայի գերմանական որբանոցները, իւր նամակներից մէկում, (Սիւասից), դիմում է հայ որբերի գերմանական «ծնողներին» խորհուրդ է տալիս սոցա, որբերին այլ ևս պարգեւներ չուղարկել Գերմանիայից: « Բայէս ամենալաւ պարգևս, ասում է նա, «ես կ'աւաջարկէի ուղարկել զրամ մեր որբերի ապաստարանների վարիչներին, որպէս զի սոքա գնեն երեխաների համար հայնրէն գրքեր, որոնք կը մնան նոցա

²⁷⁾ Wan und das Elsass — lothringische Waisenheim daselbst. 1897 էրես 25.

²⁸⁾ Zweiter Bericht über die Arbeit d. Elsass — Lothringischen Hilfseomités in der türkischen Provinz Wan 1899, էջ 15.

Համար իբրև գեղեցիկ լիշատակարան նոցա ամբողջ կեանքի ընթացքում» . : Աւելացնենք այստեղ, որ այն հանգամանքը, թէ Հիլֆսբուռնդը, ինչպէս երևում է, գերադասում է շատերին տալ ստորին ուսում, քան թէ քչերին բարձրը, մեր կարծիքով, նոյնպէս ապացուցանում է, որ «Օժանդակութան միութեան» գործիչները ի նկատի ունին տաճկահայ բնակիչների պահանջները, ամենատարրական կարիքները, և ոչ թէ իրենց որ և է շահերը: Դա ընդունեա՞ծ է, որպէս սկզբունք, և ի հարկէ հարկաւոր գէպքում, գերմանացիք միջոց են տալիս հալ երեխաներին շարունակել իրենց մրտաւոր զարգացումը: Ինչ 1897 թ. պատտոր Բրոկէս-ը (Brookes) գրում էր Թիւրքիայից Բեբեկի որբանոցի մասին. «Առաջի (ըստ մեր հաշիւի—վերջին) դաստան մէջ 8 ից մինչեւ 14 տարեկան երեխաներ են: Այս դաստան մէջ հաւաքել ենք մենք բոլոր ընդունակ և աշխատասէր երեխաները, որոնք հիմք են տալիս հաւատալու, որ բարձր²⁹⁾ ուսումը նոցա համար արդասաւոր կը լինի: Իմ կարծիքով, ոչ թէ երեխաների ծնողների (վախճանւած) դասակարգը, այլ երեխաների ընդունակութիւնը և աշխատասիրութիւնը վճռողական պիտի լինին վճռելու համար թէ հարկաւոր է արդեօք տալ նոցա բարձր ուսում, թէ ոչ: Նոյն 1897 թ. գերմանական «Börsenkurier» թերթի Կ. Պոլսի թըղթակիցը, նկարագրելով այդ թերթի մէջ Բեբեկի որբանոցին տւած այցելութիւնը, ի միջի այլոց ասում է. «Համաձայն իրենց ընդունակութիւններին՝ երեխաներից պատրաստում են վարժուհիներ. կամ աղախիներ (Dienerinnen), և մեծերը արդէն աշխատում են տնարարութեան մէջ»²⁹⁾: Ուրեմ որբանոցների վաժապետների և վարիչների նամակներից երևում է, որ պատտոր Բրոկէսի կարծիքը և Բեբեկի

²⁹⁾ «Բարձր ուսումը» այստեղ պիտի հասկանալ ինչպէս ուսում, որը սկզբնականից աւելի բարձր է: Վրձաւ նախ ղընտրուր

որբանոցում գործադրուող սկզբունքը ընդունւած գազափար է բաշոր որբանոցների գալրոցներում: Կը բերենք մի քաղ-
ւածք Վանայ որբանոցի կառավարիչ գ. ր. Արայնուզսի նամա-
կից առ Էլսազ Լոթրինդիայի ճիւղ, կոմիտէն, «Աւելի ընդու-
նակ աղաներից ոմանք ամբողջ իրենց ժամանակը պիտի նւի-
րեն դւաման, որպէս զի յետոյ, երբ երկրի քաղաքական դը-
րութիւնը թոյլ կ'տայ, նոքա կարողանան իրենց գիւղերում
ուսումնարաններ բանալ և ուսուցիչներ լինել: Երեխաների
մեծ զանգւածը գործադրում է իւր ժամանակը փոփոխաբար
ուսումի, և արհեստի վրայ, նախաճաշից յետոյ կարճ դա-
դար, սորանից յետոյ մի մասը գնում է արհեստանոցներ,
մնալով մինչև ճաշի մասը: Այստեղ սովորում են նոքա սո-
տայնագործութիւն, գերձակութիւն, հացթիւութիւն, գարբ-
նութիւն և կաշեգործութիւն. նոքա իրենք պատրաստում
են իրենց շորերը թելից սկսած մինչև գործւածը, իրենց ու-
նամանները՝ կաշից սկսած մինչև կառարեալ կոշիկը: Այն մասը,
որ ուսումնարան է այցելում, սովորում է (այս արհեստները)
օրը մի ժամ և յետոյ ժամ 9—12 տնցնում են դասատու-
ները... մենք չենք ձգտում տալ նոցա մեծ գիտութիւններ,
մենք ցանկանում ենք միայն գիտութիւնների տարերքը սով-
րեցնել նոցա—կարգալ, գրել, փոքր ինչ թւաբանութիւն,
աշխարհագրութիւն, թւերքերէն և գլխաւորապէս Աւետա-
րանը»:

Այսքան առ այժմ «սպասազգայնացումի» մասին: Առաջ
բերած քաղւածքները բոլորն էլ թեր են, և եթէ մենք
չենք բերել ոչ մի կտոր, որը այդ տեսակէտից «Հիլֆսբունդ ի-
դէմը խօսաց լինէր, այդ այն պատճառով է, որ մենք նորա
գործիչների նամակների մէջ ոչ մի տող չենք գտել, սրից
րելիլինէր ենթադրել, թէ «Հիլֆսբունդ» իւր գործում ձգտում
լինի որ և գերմանական քաղաքական-ազգային նպատակնե-
րի: Այն գազափարը, որ հայ որբերի գերմանական դաստիա-
րակումը, կամ աւելի ճիշդն ասած, որ գերմանական որբա-

նոցները ասագայում կարող են մեծ ծառայութիւն մատուցանել Գերմանիայի արևելեան քաղաքականութեան, նորա ելեմտական շահերին Թիւրքայում, այդ գաղափարը արծարծելոց առաջին անգամ 1899 թ. գարունքին, այն էլ ոչ Հիլֆբուռնդի, այլ մասնաւոր մարդու կողմից: (Dr. P. Rohrbach, «Deutschland unter den Armeniern», Preussische Jahrbücher, 1899, Bd. XCVI Heft 2): Բացի գորանից, այս գաղափարը արտայայտելոց որպէս պատասխան գերմանական մի քանի լրագիրներին, որոնք յարձակոււմ էին Հիլֆբուռնդի վրայ, ասելով, որ վերջինը իւր գոյութեամբ խանգարում է գերմանական քաղաքականութեանը Արևելքում:

Հիլֆբուռնդի դէմ քաղուածքներ կարելի է գտնել միայն կրօնական, դաւանափոխական հարցի վերաբերեալ, մի հարցի, որը աւելի նուրբ, աւելի դժւար լուծելի է և որի մասին բաւականին շատ զրեց մեր և եւրոպական մամուլը:

Անցնենք այս հարցին:

Կ Ր Օ Ն Ի Հ Ա Ր Յ Ը

Անթերցողը լինում է վերև ներկայացրած զայրոցական դասերի ցուցակից, որ հայ որբերին եռանդուն կերպով կրօնի դասեր են տալիս որբանոցներում: Հարց է առաջ գալիս — որ կրօնն է այդ, լուսաւորչական թէ բողոքական: Կամ աւելի լայն ըմբռնած, այդ ուսումնարաններում չեն դառնում արգօք հայ երեխաները յանկարծ, կամ փոքր առ փոքր, բողոքականներ, թէպէտ լինին նոքա նաև հայ բողոքականներ, և ուրեմն այդ 2000 որբերը չեն կարող արօք լուսաւորչական եկեղեցու համար արդէն կորած համարել:

Այս հարցին վերին աստիճանի դժւար է որոշապէս պատասխանել: Հիլֆբուռնդի գործիչների նամակները, նիստերի արձանագրութիւնները, նորա բոլոր պարբերական և ուրիշ հրատարակութիւնների ընթերցումը չի տալիս հետազօտողին պարզ տպաւորութիւն, որպէս զի կարելի լինէր պատաս-

խանել բացարձակօրէն, «ոչ» կամ «այո»: Այս հանգամանքը
դրոշմաց ինձ դիմել ուղակի պ. դ-ր Ռոռբախի (Dr. P. Rohrbach), որ թէպէտ Հիլֆսբուհի (= Օգնութեան ընկերութեան) գործիչ չէ, բայց կողմնակի կերպով շատ է գործում յօգուտ «Օգնութեան ընկերութեան» և մանրամասնաբար ծանօթ է դորա գործերի հետ: Նորա պատասխանը կը բերեմ յետոյ. առ այժմ, հաւատարիմ մնալով մեր սխտեմին, դիմենք անմիջական ազդիւրներին, այն է թէ ինչ է ստում Հիլֆսբուհիը ինքը: Հարկաւոր է այստեղ ևս նկատել, որ Հիլֆսբուհի գործողների այդ խօսքերը և կարծիքները երևան են եկել ոչ թէ իբրև պոլեմիկայի հետևանք, այլ նորա լայնուած են եղել «Օգնութեան ընկերութեան», գործունէութեան ասօթիւ ծագած պոլեմիկայից առաջ, որպէս մտքերի հասարակ փոխանակութիւն այդ գործողների միջև: Այդ պէտք է ի նկատի ունենալ, որովհետև այդ հանգամանքը առանձին արժէք է տալիս մեր առաջ բերելիք քաղածքներին:

Մի բրոշիւրի մէջ, յառաջաբանում, հեղինակը որք պատար է և, ինչպէս երևում է, պիտի որ շատ կրօնամոլ լինի) ի միջի այլոց ասում է. «Այ թէ ճշնշում, այլ ազատութիւն կրօնական կրթութեան մէջ, ժողատրութիւն մինչև անգամ (!) հայկական ժամանացութիւնները այցելելու, կարգապահութիւն, աշխատասիրութիւն, խրախօսանք դէպի ինքնուրոյնութիւնը, և ամեն բանի մէջ կրթութիւն երկրի և բնակիչների բախտաւորութեան համար—սորա են թանկագին տեսակէտերը (Cesichtspunkte): Ռոռբախը, որին Էլզաս Լսթրինգի ճիւղ-կոմիտէն յանձնել էր այցելել Վանի որբերի իւր ասպատարանը, գրում մի նամակում 15 յունւարի 1899 «. երկրորդը, որը առանձին կերպով արդիւնաւէտ է, դա դ-ր Ռայնոլդսի (այդ որբանոցի ղեկավարողի) սկզբունքն է երեխայոց կրօնական դաստիարակութեան նկատմամբ, թէպէտ այդ սկզբունքը միայն նուրանը չէ», և այլն:

Որն է այդ սկզբունքը:

Ռոքա, Ռաչնուղտի նամակներից մէկում (1896 թ.) գտնում ենք ի միջի այլոց հետևեալ խօսքերը. «Մենք ամենևին չենք փորձում հեռացնել նոցա (երեսաներին) իրենց ազգային եկեղեցուց. շաբաթը մի անգամ նոքա կարող են այցելել իրենց եկեղեցու ժամասացութեանը, իսկ նոքա, որոնց խիղճը թեւադրում է չայցելել, կարող են և մնալ: Բայց մենք աշխատում ենք համոզել նոցա, որ նոքա ըմբռնեն Քրիստոսին, որպէս բարեկամի (Freund) և գործեն այդ հասկացողութեամբ, որպէս զի դուրս գնան այստեղից, որպէս փրկած անձեր և թթիւմորի պէս գործեն իրենց հասարակութեան մէջ...»³⁰⁾: Նոյն հեղինակը գրում էր 1897 թ. «...Շաբաթ օրը, նոցա, որոնք այդ ցանկանում են, թոյլ է տրւած այցելել հայկական ժամերգութիւն: Հաճելի է տեսնել, ինչպէս նոքա, իրենց չափաճաս աշակերտների միջից ընտրւած, սպասներով գնում և գալիս են. բայց ամենքը սլարտաւոր են կիրակւայ և չորեքշաբթւայ ժամասացութիւններին մեր սեփական (բողոքական մատուռում մասնակցելու. և Աւետարանի ուսուցումը օրւայ դասաճրագրի սլարտաւորիչ մասն է: Նոցա զաստիարակութեան նկատմամբ մեր նպատակն է մատնանիչ անել Քրիստոսի վրայ, ինչպէս փըրկութեան ճանապարհի վրայ, և համոզել նոցա անձնապէս միանալ նորա հետ (sich persönlich mit ihm in Verbindung zu setzen): Բայց մենք ամենևին չենք ձգտում անջատել

³⁰⁾ Dr. P. Rohrbach-ը անցեալ տարի մեծ ճանապարհորդութիւն է արել հաճկահայաստանում և իւր տպաւորութիւնները նրկարագրել է զանազան թերթերում, բայց զորանից ես մի տարի առաջ նա այցել է Կովկասը, և Անդրկասպեան երկիրները: Այդ ճանապարհորդութիւնը նա նկարագրել է «In Turan und Armenien» գրքի մէջ, որ արժանացել է որոշ ուշադրութեան: Տես դորա մասին և «Братская Помощь», 2 изд. Проф. Герве. Призвание России на Востоке:

նոցա իրենց ազգային եկեղեցուց. նոցա ապահովացրո՞ծ է խղճի ազատութիւնը. օրինակ պատ պահելը և դուրս նման սովորութիւնները. իսկ իրենց եկեղեցին յաճախելը ծանօթացնում է նոցա իրենց ժամասացութեան հետ Պատի շքանշաններում և ուրիշ գէպքերում մենք մեր ժամերգութիւնը կատարում ենք լուսաւորչական եկեղեցու երաժշտութիւնով: Մեր նպատակն է նորնպէտ, ինչ վերաբերում է սնունդին, հազուատին և սովորութիւններին, այնպիսի կենցաղավարութիւն մտցնել (որբանոցներում), որ մենք չ'բաժանենք նոցա երենց հայրենակիցներին, որպէս զի նոքա անընդունակ չլինին (ապագայում) իրենց գիւղերում աղլբելու. միևնոյն ժամանակ մենք դատարարակում ենք նոցա այնպէս, որ նոքա լետու գործեն ժողովրդի մէջ ինչպէս թթխմոր: Ս'ննք խուսափում ենք այնպէս կրթել նոցա, որ նոքա ցանկանան հետու աղլբել այս երկրից (Հայաստանից): Ստորագր. ծումը հեղինակին է): Վնոքա հայ են և հայ պիտի մնան:

Թէ որբանոցների այս կրօնական կողմը որբան դժւար և միևնոյն անգամ Հիլֆսբունդի համար մութ հարց է, ապացուցանում են այն անթիւ կարծիքները և կշռադատութիւնները, որ գտնում ենք ընկերութեան հրատարակութիւնների մէջ: Այդ հարցը, ինչպէս երևում է, շատ է զբաղեցնում նորան: Իր Ռայնոլդսը ինքը պարզ ասում է այդ իւր մի ուրիշ նամակում (1897): «...Այն թէ, ինչ գիրք պիտի բերենք մենք գէպի լուսաւորչական եկեղեցին և ինչպէս պիտի ազդենք երեխաների վրայ, ինկատի առնելով այդ եկեղեցին, — մեզ բոլորիս համար վերին աստիճանի լուրջ հարց է: Անջատել նոցա բոլորովին իրենց եկեղեցուց, իմ կարծիքով, սխալ բան է, և ես ձգտել եմ խուսափել դորանից: Երեխաներին ոչինչ չի աւելում ազգային եկեղեցուց հեռանալու կամ աւետարանականութիւնը ընդունելու մասին: Բայց ես չէի ցանկանալ սխալ տպաւորութիւններ յառաջ բերել: Երեխաները պարտաւոր են (ստորագծումը հեղինակինն է) մասնակցել

մեր բողոքական ժամասածութիւններին և նոցա ուսուցում է Քրիստոսի փրկութեան գործի (Erlösungswerk մասին, համաձայն Աւետարանի...): ժողովրդի հետ յարաբերութիւններին մասին միսսիոնարը ասում է. «Պէտք է շնորհակալութեամբ լինել, որ վերջին տարիների ընթացքում մեծ փոփոխութիւններ եղան ժողովրդի յարաբերութեան մէջ մեզ հետ. նոքա համակրում են մեզ և մեր գործին: Ի հարկէ, դեռ չի հասել ժամանակը, երբ կարելի լինէր յանձնել երեխաների կրթութիւնը լուսաւորչական հոգևորականութեանը և հայ ուսուցիչներին, եթէ կամենում ենք, որ նոքա ըմբռնեն ազատ ողորմածութեան մասին վարդապետութիւնը և քարի գործքերը նկատեն ոչ սրպէս փրկութեան աղբիւր, այլ սրպէս նորա հետեանք (wenn wir wollen, dass sie die Lehre von der freien Gnade erfassen und gute Werke nicht als eine Quelle der Erlösung ansehen, sondern als deren Frucht)*):

Սյդ պատճառով շատ ծանր կը լինէր ինձ համար յանձնել հայերին երեխաների դաստիարակութիւնը, որոնց ես այնպէս սիրեցի: Հետաքրքիր է այս նամակի պատասխանը, որը գրեց Էլզաւ-Լոթրինգիայի կոմիտէի գործավարը:

«Կուք ցանկանում էք իմանալ», գրում է նա Դր. Ռայնոլգս'ին, «թէ ինչ ենք մտածում մենք այդ խեղճ երեխաների դաստիարակութեան մասին: Թէպէտ ես դեռ ես չեմ հարցրած մեր (Կոմիտէի) կառավարչական ատեանից, բայց

*) Հապատաննայ եկեղեցին, որպէս և բողոքականը, նույնպէս չի ընդունում քարի գործքերը որպէս փրկութեան աղբիւր: Օրինակ, այդ սով է գրւած Մելիքսեդէկ հպ. Մուրադեանցի «Պատմութիւն Քրիստոնէական եկեղեցոյ» (օրինակ, էջ 140), թէև պարտաւոր ենք աւելացնելու, որ հայ եկեղեցականների մէջ մենք չենք նկատած տոգորւածութիւն այդ մեծ վարդապետութեամբ:

առաջուց կարող եմ ասել, որ մենք լիովին ընդունում ենք ձեր գործունէութեան դիմը: Ձեր սիրելի կոմս Տեա դուք թողիք ամեն բան, նստատակ ունենալով որոնել Փըրկչի համար այն թանկագին մարդարիւմները որոնք մի ժամանակ պիտի փայլեն Նորա թագի վրայ, և երբ ցոյց է տալիս Նա ձեզ այս խեղճ փոքրիկների միջոցով, պիտի մենք ձեզ խորհուրդ տանք արդեօք լանձնել նոցա լուսաւորչական քահանաներին: Ոչ մի ժամանակ: Եւ եթէ ուրիշ միջոցներով աւելի կարելի լինէր անել երեխաների նիւթական բարօրութեան համար (թէպէտ եւ շատ կասկածոմ եմ), այնու ամենայնիւ եւս կարող եմ ձեզ միայն ասել՝ պատմեցէք նոցա, երկրային անգթութեան այդ խեղճ զոհերին, հին հին առակը Քրիստոսի սիրոյ մասին: որովհետեւ այստեղ, այս երկրում (= Ելզասում) մենք չենք կարող տեսնել նոցա, ուստի մենք ցանկանում ենք այնտեղ, վերև, հանդիպել սիրելի փոքրիկներին, երբ Տէրը մեզ կը կանչէ: Միայն վստահ եղեք! Այստեղ աղօթում ենք ձեզ և ձերոնց համար, և ամենը, ինչ որ դուք այդտեղ անում էք մտքուր խղճով լանուն Աստուծոյ, մեր կողմից ճիշդ կը համարուի...», Մենք դիտմամբ առաջ բերինք նամակի այն տողերը, ուր հեղինակը խօսում է երեխաների հետ այն աշխարհում հանդիպելու մասին: Հիլֆուռունդի գրածքները բոլորը լի են այսպիսի խօսքերով, պատկերներով և զբացումներով, և սա, մեր ցանկութեան համար՝ Հիլֆուռունդի կրօնական հարցը պարզելու՝ շատ նշանաւոր կէտ է:

Նաա ընտրոշ է Ելզասեան Կոմիտէի համար, երբ սա զեռ չէր պատկանում Փրանկֆուրտի կենտրոնին, առաջին նիստի արձանագրութիւնը: Սյո նիստի մէջ նոյեմբերի 13, 1896 թ. վճռեց մի հրաւէր (Aufruf) հրատարակել, որի մէջ պիտի նկարագրէր հայ օրբերի անբախտ դրութիւնը և պարզէր նոցա օգնելու անհրաժեշտութիւնը: Գորա համաձայն՝ Կոմիտէի գործունէութեան առաջին քայլերը պիտի

լինեն՝ հաւաքւած դրամներով բերել Թիւրքիայից հայ որբեր և տեղաւորել նոցա գերմանական ընտանիքներում: Արձանագրութեան 4-րդ կէտը ասում է. «Կոմիտէի գործունէութիւնը չի լինելու կրօնազուրկ (interkonfessionell), այլ նա պիտի լինի աւետարանական (ստորագծուած բնագրինն է): Ժողովը պարզ արտայայտում է նոյնպէս, որ նա հեռու է պահում իրան որ և է քաղաքական լեռին նպատակներից: Նա ցանկանում է միայն բրիտանական սէր մատուցանել խեղճ որբերին և անբախտներին: Գործունէութեան միջոցին, Կոմիտէն ստիպւեց մի քանի փոփոխութիւններ անել իւր դիտաւորութիւնների մէջ: Նոցա մասին կարգուած ենք. «Մեծ դժւարութիւնները, որոնք կապուած են երեխաների (Գերմանիա) բերելու հետ, վտանքը — զրկել նոցա իրենց ազգութիւնից, բայց և նոցանից եւրոպացի չը շինելով... վերջապէս այն համոզմունքը, որ այդ երեխաները ամենից լաւ կը դաստիարակեն իրենց սեփական երկրում և սորա օգտին, ըստիպեց»... և այլն: Այս կոմիտէի որբանոցի մասին (Վանում, ղեկավարող — Գր. Ռայնոլդս) կարգուած ենք ուրիշ տեղ՝ «Երեխաները այնտեղ բոլորն էլ դաստիարակուած են աւետարական հաւատի մէջ»: Եւ դեռ 1897 թ. Ելզասի կոմիտէի գործավարը, խօսելով այդ որբանոցի համար մի գերմանական ուսուցիչ ուղարկելու մասին, գրում էր. «... այսպիսով գուցէ կարելի կը լինի հիմք դնել Ելզասեան առաքելութեանը Արևելքում»):

Պ. Ռոսբախը ինձ ասում էր, որ ինչպէս զր. Ռայնոլդս այնպէս և Ելսաս Լոթրինգի ճիւղ-կոմիտէն ամբողջ Հիլֆըս բունդի մէջ կարող են ամենաբողոքականամտը համարել (և ես կուեղացնեմ, առհասարակ Փրանկրուրտի կենտրոնը, համեմատաբար Բերլինի կենտրոնի հետ): Պ. Ռոսբախը կարծես թէ իրաւացի է գոնէ աչքի է ընկնում այն երևութը, որ գաւանութեան վերաբերեալ կըռադատութիւնները գրանում ենք մենք զլիտաւորապէս Ելզաս-Լոթրինգի ճիւղ-կոմի-

տէի հրատարակութիւնների մէջ: Վերջինիս գաւանական դիրքը ստիպեց մեզ առանձին ուշադրութիւն դարձնել նորա կարծիքների վրայ: Ինչ վերաբերում է Կր. Արայնուզսին, մենք օգտւեցինք ամենից շատ նորա գրածքներից. և գորա համար ունէինք երկու պատճառ. առաջին նա գրում է գաւանական հարցի մասին աւելի մանրամասն քան ուրիշները, և երկորորդ նորա համոզմունքները այս կէտի վերաբերեալ շահեկան են, որպէս ամերիկական միսիոնարի. իսկ սոքա աւելի բողոքական կրօնամուկ են համարուում քան գերմանական բողոքական միսիոնարները: Այս հանգամանքները փոքր ինչ նոր լոյս են զցում մեզ հետաքրքրող հարցի վրայ:

Ի նկատի ունենալով այդ, կարծում եմ, որ աւելորդ չէ նաև առաջ բերել Թիւրքիայի ամերիկական առաքելութեան, (Western Turkey Mission-ի), 1897 թ., յուլիս 3 կայացրած որոշումները: Գլխաւոր կէտերը սոքա են. «Փրկութիւնը Յիսուսի Քրիստոսի միջոցով միակ հիմքն է ճշմարիտ կեանքի և ճշմարիտ մտածողութեան համար: Այդ նպատկի համար օգտուում ենք մենք Աւետարտնից, որ բոլոր քրիստոնէաների համար ընդհանուր հեղինակութիւն է կազմում, առանց հետևելու որ և է առանձին գաւանութեան կրօնական ուսումին, զգուշապէս խուսափելով այնպիսի հարցեր արծարծել, որոնք կարող են եկեղեցու մէջ բաժանումներ լառաջ բերել: Դէպի հայ լուսաւորչական եկեղեցին զգում ենք մենք ջերմ քրիստոնէական և սրտակից համակրութիւն, և ցանկանում ենք նորան ամեն բարգաւաճում: Այդ պատճառով մենք կարծում ենք որ հարկաւոր է ամենամեծ հոգս քաշել, որ հայ որբերը, որոնք թէպէտ և տեղաւորւած են որբանոցներում բողոքական հսկողութեան տակ, այնուամենայնիւ հայեր մնան — լեզւի, սիրոյ մէջ գէպի իրենց ժողովուրդը, անմիջական պատրաստութեան մէջ օգտուէտ լինելու այն հասարակութեան, որին նոքա պատկանում են:

«Անդհանրապէս պիտի անկարելի համարել, որ կրօնական գասատուութիւնը որբանոցներում կատարելի լուսաւորչական եկեղեցականների միջոցով եւ մեր հակողութեան տակ: Դորա փոխարէն թոյլ է աւած այն երեխաներին, որոնց զգազականները այդ ցանկանում են, այցելել կիւրակի առաւօտները լուսաւորչական եղկեղեցին, և լատուկ գէպքերում նաև հասարակ օրերը: Այդ եկեղեցու մէջ երեխաները կարող են անել այն, ինչ որ ցանկանում են իրենց քահանաները, և ոչ ոք չէ արգելում նոցա ոչ խոստովանութիւնը, ոչ էլ հաղորդութիւնը: Որբանոցների հակողութեան գործում որ և է բաժանում կամ միացում առաքելութեան (միասինի) և լուսաւորչական եկեղեցիների հետ, այժմ ոչ ցանկալի է, ոչ էլ հնարաւոր»:

Ամերիկական առաքելութեան (Western Turkey Mission) այդ որոշումը ընդունակ է, կարծես, փոքր ինչ ցրել ընթերցողի կասկածները գերմանական բողոքականների վեխարերեալ Տաճկաստանում: մանաւանդ որ ամերիկական առաքելութիւնը, կրկնում ենք, աւելի կրօնամոլ է համարում, քան գերմանականը Արևելքում: Եւ քիչ է մնում որ ընթերցողը այն եզրակացութեանը գայ, թէ «գուցէ ճիշդ է, որ Հիլֆբրունդը չի զեկտովարւում իւր գործունէութեան մէջ լեռին բողոքական նպատակներով»: արդէն լաջորդ տողերը նորից ցրում են այդ կարճատե մոլորութիւնը և նորից գնում են նորան հին տեսակէտի վրայ: «W. T. Mission-ի բերած որոշումների վերբերեալ Պր. Ռոսբախը ասում է. «Ես կարծում եմ սոքա այն սկզբունքներն են, որոնց ի նկատի ունենալը երաշխաւորում է արգասաւոր յաջողութիւն որպէս անտարաձայն գործում, այնպէս էլ հայկական եկեղեցու համար մասնաւորապէս»³¹⁾: Բայց նոյն Պր. Ռոսբախը, մի

³¹⁾ Խոսքը, ի հարկէ, ամերիկական որբանոցների մասին է այստեղ:

յօդւածում, խորագրած «Ինչ պիտի ի նկատի ունենանք մենք հայերի համար գործունէութեան մէջ», և սպառնալով Ստիւքարեան շարժումը, ասում է. «բողոքական առաքելութիւնը հայերի մէջ, ինքն ըստ ինքեան սխալ ձեռնարկութիւն է» (ist an sich ein verfehltes Unternehmen):

Այսպիսի հակասութիւններով լի են Հիլֆսբուքի = Գերմանական ընկերութեան) կամ նորան համակրող գերմանացիների կշռադատութիւնները «գերմանական բողոքական միասինի» յարաբերութեան մասին դէպի հայ լուսաւորչական եկեղեցին և մենք աշխատել ենք այս հարցի վերաբերեալ առաջ բերել այն քաղաքները, որոնք հակասում են միմեանց: Այդ է պատճառը, որ այնքան դժուար է սկզբից որոշ կարծիք կազմել, թէ որոնք են Հիլֆսբուքի ընդհանուր ձգտումները: Բայց հէնց այդ հակասութիւնների վերաբերմամբ կարելի է երկու ենթադրութիւններ անել, կամ Հիլֆսբուքի ինքը չըզդիտէ հաստատ թէ որ տեսակի են նորա ձգտումները հայկական եկեղեցու վերաբերեալ, և այդ պատճառով նորա գործիչների կարծիքները ամեն քալլախոխում հակասում են միմեանց, և կամ՝ այդ հակասութիւնները չոկ նրկւոյթական են և այդպէս թւում են միայն կողմնակի մարդուն, որը չի ըմբռնած Հիլֆսբուքի գործիչների խկական միտքը: Եթէ առաջի ենթադրութեան հետադասութիւնից յետոյ գանք բացասական պատասխանի, այսինքն, որ գերման ընկերութիւնը ինքը պարզ չէ ըմբռնում իր նպատակները (որ դժուար երևակայելի բան է), այն ժամանակ այդպիսի քննութիւնը գրեթէ սպարդիւն է դառնում, որովհետև այդպիսի եզրակացութիւն մեզ համար ոչ մի շահեկանութիւն չի կարող ներկայացնել. այսօր-վաղը Հիլֆսբուքի կարող է պարզել իւր ձգտումները: Իսկ եթէ մենք հասնենք դրական պատասխանի, թէ «Ոգնութեան միութիւնը» ընդհակառակը ունի շատ որոշ և պարզ նպատակներ իւր գործի մէջ, ապա պիտի ընդունել որ նկատած հակասութիւնները երեւոյթա-

կան են: Այդ պատճառով, մեր ցանկութան մէջ լուծել այսպէս ասած, Հիլֆսբուհըի «դաւանական պրոբլէմը», մենք կը փորձենք ներդաշնակել այդ հակասութիւնները մի աւելի ընդհանուր գաղափարի տակ: Սա—յետագայ էջերում, ուր սկզբից ցոյց կ'տանք թէ որ կողմից և ինչ յարձակումներ են եղել Հիլֆսբուհըի վրայ և ինչպէս է նա պատասխանել:

*
* *

ՊԱՏԱՍԻՍԱՆՆԵՐ ԵՅ ԲԱՅԱՏՐՈՒԹԻՒՆՆԵՐ
Հիլֆսբուհըի վարլ եղած պաշտօնական և ոչ-պաշտօնական յարձակումների արձագանգները եղան պաշտօնական և մասնաւոր պատասխաններ:

Ա. պաշտօնական պատասխանները:
«Aus der Arbeit» թերթի 1899 թ. մայիսի համարում, Դր. Լեպսիուսը ի դիմաց Հիլֆսբուհըի՝ (Բերլինի-կենտրոնի) հետևեալ բացատրութիւնն է տալիս: Առաջ կը բերենք բովանդակութիւնը: Նախ ասում է, որ «Օքսութեան միութիւնը» տհաճութեամբ լետ է դարձնում «Köln. Zeitung» ի մեղադրանքը, իբր թէ այդ միութիւնը իւր քրիստոնէական սիրոյ գործի մէջ «լայնածաւալ կերպով նւիրել է դաւանափոխական գործերին»: Հիլֆսբուհը իւր գործունէութեան մէջ ընդունել է որպէս սկզբունք՝ գործել համաձայնութեամբ այն եկեղեցիների վարչութիւնների հետ, որոնց պատգանում են երևիւյթք. լուսաւորչական եղեղեցու կողմից ևս ոչ մի գանգատ չէ լսել նա: «Մեր գործունէութեան շրջանում դաւանափոխութեան մի դէպք անգամ չէ պատահել, և եթէ դերմանական պատտորները քարոզել են երբեմն լուսաւորչական եկեղեցիներում, այդ պատահել է հալ լուսաւորչական քահանաների հրաւերով: «Այդ անւանում ենք մենք քրիստոնէական համբերատարութիւն»: Պատրիարք Օրմանեանի նամակում մեղադրում են Վանի վիլյալէթի կաթոլիկ միւ-

սիոնաբնները. անկարելի բան է, որ բողոքականները դաւանափոխական քարոզչութեամբ պարապեն, որովհետեւ բողոքականութեան սկզբունքները արգելում են այդ Եթէ «Փէօլնիշէ ցայտունք»ը կամենար, կը կարողանար, բացի այն նամակից, որ հրատարակել էր իւր էջերում, ստանալ և Պատրիարքի մի ուրիշ նամակը, զբաժ Կ. Պոլսի մեծ պետութիւնների դեսպաններին:

Գեսպաններին զբաժ այս նամակում, Պատրիարքը հանդիսաւոր կերպով հերքում է, իբր թէ նա երբ և իցէ զանգատած լինի Բ. Իրան հայերին օգնող օտար ընկերութիւնների վրայ: Գերմանական օգնութեան հիմնարկութիւնները հաւանութիւն և պաշտպանութիւն են գտնում մինչև անգամ տաճկական գաւառների պաշտօնեաների կողմից: Ինչ վերաբերում է «K. Z.»-ի խորհրդին, որ «Սգն. միութիւնը» թողնէ հայերին օգնելու գործը և հաւաքած գումարները գործադրէ գերմանացիների օգտին, այսինքն փողոց քցէ 1,600 հայ որբիկներին — «Սգնութեան միութեանը» անընդունակ է այդպիսի բարբարոսութեան: Այստեղ Ապսիուսը բերում է և պառլսական չորրորդ ընդհանրական սինոդի (29 նոյեմբերը 1897 թ.) սրոշումը հայկական կոտորածների վերաբերմամբ: Աերջայէս «Սգնութեան միութիւնը վնասակար չէ հանդիսանում գերմանական քաղաքականութեանը Արևելքում, ընդհակառակը, նա պատիւ է բերում գերմանական անուն: Հիլֆսըունդը հաւատացած է, որ այդպիսի յարձակումները ազգեցութիւն չեն ունենալու գործը համակրողների վրայ. նոքա կ'իրկնապատկեն իրենց եռանդը օգնութեան այս քրիստոնէական գործում, ի փառս այն Սատուծոյ, որը տնտեսում է իրան որբերի և այրիների հայրը, և որը ցանկանում է, որ օգնութիւն հասցնի բոլոր մարդկանց և որ սոքա հասնեն ճշմարտութեան գիտութեանը»:

Այս «բացատրութիւնը» զբաժ է շատ ջերմ և ազնիւ սքով ու գրաւում է ընթերցողի վստահութիւնը:

Այս «բողոքաբանութեան» մէջ մի բան մնում է ոչ-պարզ-
Լէպսիուսը ընդհանուր խօսքերով ասում է, որ բողոքական-
ների կողմից անկարելի է, որ դաւանափոխական քարոզու-
թեան մի որ և է դէպք պատահած լինի, մինչդեռ Օրմա-
նեանի նամակի մէջ պարզ ասում է թէ «բողոքական և կա-
թոլիկ միասինարեանքը գալթակոնցնում են հալերին» և այլն:
Այս փոքր ինչ մութ կէտը պարզուում է մի ուրիշ պատաս-
խան». յօդածի միջոցով, որը արւած է մասնաւոր մարդու
կողմից: Այստեղ յօդածագիրը, Դոքտ. Ռոռբախը (Rohrbach)
ասում է, որ ս. պատրիարքի գրութեան մէջ ոչ մի խօսքով աս-
ւած չէ, թէ բողոքական միասինարեանքը գերմանացիք են:
Այդ ճիշդ է: Ռոռբախը հաւատացնում է, որ այստեղ խօսքը
ամերիկական միասինարեանքի մասին է: Այն ժամանակ ինչ-
պէս պէտք է հասկանալ որ Օրմանեանը պնդում է դիս-
պաններին գրած նամակում, թէ նա երբէք չի գանգատել
ոչ մի օտար օգնող կոմիտէի վրայ: Չէ որ ամերիկացիք նոյն-
պէս ունին իրենց «օգնութեան կոմիտէները», հիմնարկու-
թիւնները: Մնում է ենթադրել, որ հարկաւոր է զանազա-
նել օգնութեան հիմնարկութիւնները և նոցա պատկանող
գործիչները՝ կրօնական միասինարեանքից, որոնց և զուցէ ի
նկատի ունի ս. պատրիարքը իւր գանգատի մէջ: Յամենայն
դէպս կարելի է վերջնականապէս որոշւած և պարզւած հա-
մարել, որ Օրմանեանը ի նկատի չէ ունեցել գերմանական
բողոքականներին, որովհետեւ Հիլֆբուրնդը «K. Z.»-ի յօդա-
ծի երեան գալուց լետով, դիմեց ս. պատրիարքին հետեւել
հարցով. գանգատել է նա արդեօք Բ. Դրան առջև գերմա-
նական Հիլֆբուրնդի վրայ թէ ոչ: Իւր պատասխանի մէջ ս.
պատրիարքը ի միջի այլոց ասում է. «Որպէս զի նորից անպա-
ցուցանեմ իմ զգացումներս դէպի ձեզ, կը ցանկանամ բացա-
տրել, ու ես երբէք ձեզ մեղազրող չեմ եղել, ոչ էլ թշնա-
մի ձեր որբանոցներին. նորին գերագանցութիւն գերմանա-
կան ղեսպանը յայտնել է ինձ, որ նա ոչ մի ժամանակ ոչ

մտածել է, ոչ ասել է, և ոչ էլ գրել, թէ ես ձեզ վրայ գան-
գատած և ձեր որբանոցների թշնամի եղած լինիմ: Պատրիար-
քարանի արած գանգատը Բ. Դրան դաւանափոխութեան նը-
կատմամբ չի վերաբերում որբանոցներին, այլ այնտեղ բն-
ցողացուցած ասուած է միայն, որ կրօնափոխութեան պայմանով
դրամներ են բաժանուած եղել, որ իրօք և կատարուած է վա-
նի կաթոլիկ միսսիոնարները կողմից»³²:

Հետաքրքիր է, որ այս վերջին նամակում յիշուած չեն
բողոքական միսսիոնարները. լինին դոքա գերմանացիք, թէ
ամերիկացիք: Օրմանեանի նամակներից առհասարակ, դժ-
ւար է հասկանալ, թէ ով է գրողու՞մ դաւանափոխական
քարոզչութեամբ հայերի մէջ, կամ պարապում են գործնով
բողոքականները թէ ոչ: Բայց և իսկապէս անտեղի կ'լինէր
գրողուցի այստեղ այդ հարցի պարզաբանութեամբ, սրովհետև
այստեղ մենք գործ ունինք միայն գերմանացիների, կամ ա-
ւելի ճիշտն ասած, «Գերման. օգնութեան միութեան» հետ,
և հարցը կարող է միայն այսպէս դրւած լինել—անում են
արդեօք այդ բանը ինչպիսիքի ներկայացուցիչները հայերի
մէջ թէ ոչ: Եթէ մենք ցանկանանք հիմնել Օրմանեանի
նամակի վրայ, այն ժամանակ պատասխանը կարող է միայն
բացատրական լինել: Այն տեսակէտից, ինչպէս գնում ենք
մենք մեր հարցը, ս. պատրիարքի վերայիշեալ երեք նամակ-
ները մեծ վեզիրին, դեսպաններին և «Գերմ. օգնութեան
միութեան» հակասական շնն հանդիսանում: Ընդհակառակը,
նոքա գանազան կերպ հաստատում են միևնոյնը, որ Հիլֆըս-
բունդը չի զբաղում կրօնափոխական քարոզով:

Հիլֆըսբունդի Ֆրանկֆուրտի կենտրոնը իւր կողմից «K.
Z.-ի յօդուածի երեւան գալուց մի քանի օր լետով, մի ընդ-
հանուր ժողով հրաւիրեց, ուր յիշեալ լրագրին այսպիսի մի
մի պատասխան խմբագրուեց, Կ'բերենք մի քանի քաղաածներ:

³²) Mittheilungen aus dem Orient. № 8 1899.

«Այն մեղադրանքները, որոնք անուժ են վերջին ժամանակները Հիլֆսբունդի գործունէութեան դէմ միայն խրախուսում են մեզ նոր եռանդով շարունակել մեր սիրոյ գործունէութիւնը (unsere Liebeshätigkeit), այն գիտակցութեան հիման վրայ, որ այդպիսի թշնամութիւնը միայն պատիւ է բերում մեր գործին. այնտեղից, ուր անուժ են այդ յարձակումները, մենք գնահատութիւն չենք սպասում, որովհետեւ այնտեղ ընդունակութիւն չունին հասկանալու, թէ ինչ է կատարել սագուրկ, քրիստոնէական սիրոյ գործունէութիւնը, և այդ պատճառով նոքա կասկածանքով են վերաբերում դէպի այն, ինչ որ չեն հասկանում... Սկզբունքով մենք հրաժարել ենք հիմնել Փոքր-Ստիալում որ և է բողոքական համայնքներ և այդ միջոցներով (այսինք զբամով և պաշտպանելու խոստումքով) ոչ մի ժամանակ չենք զրգել որ և է լուսաւորչականի թողնել իւր եկեղեցին... Բացի դորանից, ոչ մի «անշնորհքութիւն» մենք չենք գտնում պատուր Բրոկսի գործողութեան մէջ, որը Զէյթունում, մի աւետարանական ժամասացութեան ժամանակ, գործածելով աւետարանական մի բառը, խօսում էր «մեղքերի ազատութեան» մասին, և եթէ այս դէպքից օգաւում են մեզ մեղադրելու համար, գացոյց է տալիս որքան դժւար է, մեր հակառակորդների համար, մեզ մեղադրելու մի դրական պատճառ գտնել: Այդպիսի մեղադրանքները ամենալաւ սպացոյց են, որ մենք ոչ մի առիթ չենք տւել արդար գանգատների... Վերջապէս այն խրատը (որը տալիս է «K. Z.»-ը), այսինք — «գործադրել մեր գումարները աւելի լուրջ և բարեխաջող նրպատակների վրայ», — կարող են տալ միայն նոքա, որոնք ինչպէս քահանան և լեւորը, անցնում են սպանւածների մօտով, և որոնց համար, առւտրական շահերը աւելի արդարացի են, քան թէ խեղճերի բարեբախտութիւնը: Մենք հաւատացած ենք, որ մենք աւելի ենք գործում Թիւրքիայի բարեկցութեան համար, քան թէ նոքա, որոնք այս երկրի վրայ նայում են

միայն ինչպէս մի գործունէութեան ասպարէզի վրայ իրենց շահերի համար: Պերմանական Հիլֆսբունդի ընդհանուր ժողովը վճռում է, աւելի մեծ եռանդնով և սիրով, քան մինչև այժմ, շարունակել սկսած շնորհալի գործը»³³⁾:

Այս ժողովում որոշեց նոյնպէս, արտայայտել Բրոկսին Հիլֆսբունդի կատարեալ վստահութիւնը, առաջարկել նորան, որ նա բացատրի իրա հետ պատահած դէպքը անմիջապէս գերմանական կայսրին:

Հետաքրքիր է նոյնպէս Էլսազ-Լոտարինգիայի ճիւղ-կոմիտէի պատասխանը, որը մենք³⁴⁾ տեղի պակասութեան պատճառով այտեղ առաջ չենք բերելու. այսքան կը նկատենք, որ այս պատասխանի մէջ ցոյց է տրւում կաթոլիկների վրայ, որոնց խարդախութիւնների շնորհիւ իբր թէ ալգպիսի գանգատները են առաջ գալիս Հիլֆսբունդի դէմ: Այս ենթադրութեանը հանդիպել ենք մենք և մի ուրիշ տեղ. բայց սա անկասկած սխալ է. թէպէտ, իրաւ, որ «K. Z.»-ը հրատարակում է գերմանական կաթոլիկութեան կենտրոններից մէկում, Պեօլն քաղաքում, բայց անուամենայնիւ նրա Հիլֆսբունդի դէմ արած գանգատների վրայ չի կտրելի նայել, ինչպէս կաթոլիկական մի արշաւանքի վրայ Հայաստանի բողոքական միսիոնարների դէմ, որովհետև, չէ որ ս. պատրիարքի այն նամակում, որը լրագիրը բերում է, ս, Օրմանեանը գանգատում է և կաթոլիկների դէմ:

Բ. Մասնաւոր պատասխաններ: Մեզ ծանօթ մասնաւոր կողմից եղած հերքումներից և բացատրութիւններից ուշադրութեան արժանի են Reichsbote լրագրինը, պարոն Յելլերի (Zeller) և պ. Ռոսբախինը (Rohrbach):

Նախ յայտնելով իւր զարմանքը, որ ալգպիսի մի թիւ-

³³⁾ Mittheilungen aus Or. № 7 1899.

³⁴⁾ Flugblatt des Els ss-Lothringischen Hilfscomités für Arm. 1899. էջ 4:

քամացութիւն, ինչպէս պ. Բրոկս'ի հետ պատահած դէպքը կարողացել է յարձակումների պատճառ ծառայել, «Reichsbete» լրագիրը (№ 89, 1899 թ.) գրում է. «բացարձակապէս սխալ է հաւատացնելը թէ աւետարանական Օգն. միութիւնը ցանկանում է դաւանափոխութիւն քարոզել: Մենք հաստատ գիտենք որ դա ձիջք չէ. Հիլֆսբունդը ձգտում է միայն գրթասիրտ գործերով և Աւետարանի քարոզումով զարթեցնել հայ լուսաւորչական եկեղեցու մէջ, որը խեղդւել է արտաքին ճէտերի մէջ, աւելի բարոյական-քրիստոնէական ու ոգեկան կեանք (mehr christlich-sittliches und geistiges Leben zu erwecken): Նա չի ցանկանում հայերին անջատել իրենց եկեղեցուց, նոքա պիտի շարունակեն պատկանել այդ եկեղեցուն. բայց պիտի դառնան այդ եկեղեցու կենդանի անդամները: «Աւետարանական Հիլֆսբունդը» (շարունակում է լրագիրը) բոլորի վերաբերմամբ էլ մաքուր խղճմտանք ունի, ինչպէս թուրքի, այնպէս և գերմանիայի և լուսաւորչական եկեղեցու, որովհետև նա չի զբաղւում ոչ կրօնական, ոչ էլ քաղաքական քարոզներով. միթէ ամօթ չէ, որ մի գերմանական լրագիր անցնում է թուրքերի կողմը և ասում է գերմանական Օգն. միութեան, որ. «հեռացէք, դուք խանգարում էք խաղաղութիւնը Արևելքում և վնասում էք մեր անտեսական շահերին»: Աւետարանական օգնութեան միութիւնը չափազանց բարձր գաղափար ունի քրիստոնէական պարտաւորութեան և գերմանական պատւի մասին, որ կարողանայ հետևել «K. Z.»-ի խորհրդին», Լրագիրը վերջացնում է նկատելով, որ եթէ գերմանացիք օտար և սխալ տեղեկութիւնների հիման վրայ, ինքները հալածեն իրենց սեփական հայրենակիցներին և մանաւանդ այնպիսի պատւելի անձերին, ինչպէս են պատար Բրոկս, Դր. Լեպսիուս, և Լոման'ը այն ժամանակ, ոչ թէ միայն գերմանական միսսիոնարների, այլ և գերմանական վաճառականի և առհասարակ գերմանացու անունը և դրութիւնը Արևելքում կը կոտրւի:

Յեւէր'ի («Zur Beleuchtung der Angriffe auf das deutsche evangelische Hilfswerk in Armenien»)՝³⁵ յօդածից, ուշագրութեան արժանի են հետեւեալ պարզաբանութիւնները: Անկարելի բան է, որ Հիլֆսբուհը՝ զբաղելի դաւանափոխական քարոզով, որովհետեւ նորա հրատարակածութիւններէց մէկում մինչև անգամ արտայայտուած է այն միտքը, թէ այն ժամանակ, երբ հայերը մարտիրոսութեամբ ապացուցին հաւատարմութիւնը դէպի իրենց եկեղեցին, արդէն ազնուութիւնը արգելում է կրօնափոխական քարոզ կարգաւ նոցա մէջ: Հետեւել «K. Z.»-ի խորհրդին—փակել որբանոցները և հաւաքուող դումարները մտնել գերմանացիների օգտին, անհնարին բան է, որովհետեւ այդ կ'նշանակէր քանդել գերմանական միսսիոնի գործ (ein deutsches Missionswerk), որին միացած են բիւրաւոր մարզիկ և որի ապագան ապահովուած է: Փերմանիայի աւետարանական քրիստոնեաների համար խղճմտանքի գործ է պատահած կոտորածներից լեռոյ հայերին օգնելը և պախարակելի է, որ մի շարք լրագիրները թույլ են տալիս իրենց այդպիսի թեթևամտութեամբ վերաբերել խղճմտանքի այդ զգացմունքին: Նիշդ է, «Օգնութեան միութիւնը», սկսելով իւր եզրալրական օգնութիւնը չէր ղեկավարուած և ի նկատի չունէր Փերմանիայի կառավարութեան շահերը և յարաբերութիւնները Թուրքիայում, բայց այդ չէ նշանակում, որ Հիլֆսբուհը՝ անդամները աւելի քիչ են հայրենասէր, քան թէ «K. Z.»-ի շրջանները: «Օգնութեան միութիւնը» ամենևին անտարբեր չէ դէպի Փերմանիայի տնտեսական և քաղաքական շահերի յաջողութիւնը և նա ոչ մի ժամանակ չէ ցանկացել խանդարել այդ կէտում իւր կառավարութեան. ընդհակառակը նա գիմել է մի անդամ այդ կառավարութեանը, խնդրելով ցոյց տալ նորան «այն ճանապարհը, որով պիտի նա շարունակէ ընթանալ, ներդաշնակելով իւր քայլերը իշխանութեան ցանկութեան հետ»:

³⁵ Das Reich Christi (ամսաթերթի) Juni 1899:

Բայց ամենահետաքրքիրն է Ռոսբախի յօդուածը, «Գերմանիան հայերի մէջ» (Deutschland unter den Armeniern) վերնագրով, որը երևան եկաւ անցեալ տարի «Preussische Jahrbücher» նշանաւոր ամսագրի մէջ: Հեռատես մտքերով հարուստ այս յօդուածը ունի և այն արժէքը, որ նրա հեղինակը, Ինչպէս ասացինք վերև, շրջել է անցեալ տարի Մեծ Հայաստանը և Փոքր-Ասիան: Սկարագրելով հայկական գաւառների ներկայ դրութիւնը և ցոյց տալով ինչ սարսափելի տնտեսական և այլ հետեանքներ առաջ բերին հայկական շարքերը, հեղինակը ասում է, որ ուղղակի անգնահատելի է այն ծառայութիւնը, որը եւրոպական և ամերիկեան բարեգործութիւնը արել է Թիւրքիային, սրովհետև եթէ այդ գաւառները որ և է բան կարող են տալ հիմա կամ ապագայում տաճկաց պետական գանձարանին, գա շնորհիւ եւրոպայի և Ամերիկայի օգնութեան կոմիտէների է (էջ 316): Առանց այս կոմիտէների շատ գաւառների հայերը բոլորովին պիտի բնաջինջ եղած լինէին... Ռոսբախի կարծիքով հայկական կոտորածները թիւրքիայի համար տանուլ տւած պատերազմի նշանակութիւն ունին. գալով այն հարցին, թէ արդեօք Հիլֆսբուենը գնում է որ և է արգելքներ Գերմանիայի պետական քաղաքականութեանը ճանկաստանում, թէ ոչ, նա ասում է, որ դժւար է երևակայել մի ուրիշ բան, որը այնպէս նպաստաւոր կերպով աջակցէր Գերմանիայի ներկայ արեւելեան քաղաքականութեանը, որ է Թիւրքիան ուժեղացնել և հիմք դնել անպետական շարաբերութիւնների Գերմանիայի հետ, բան այդ անոմ են գերման «օգնութեան կոմիտէները»: Գերմանական զիպլոմատիային պատիւ չէ բերում այն հանգամանքը, որ նա չի հասկանում օղաւել այդ կոմիտէներից, ուղղութիւն տալով և սլաշտպանելով նոցա տաճկաց կառավարութեան առաջ (315—320): «K. V.»-ի աւած խորհուրդը Հիլֆսբուենդին՝ թողնել օգնութեան գործը, կարող է բխել միայն անզիտակցութիւնից, թէ որքան խոր

գժգոհութիւն և ահաճութիւն յառաջ կարող է բերել այդ առաջարկութիւնը ժողովրդի մէջ: Հէղինակը ասում է, որ ինքը փորձառութեամբ գիտէ, որքան առհասարակ իւր երկրի եսամոլկան քաղաքականութիւնը բողոքներ է ծագեցնում գերմանական այն շրջանների մէջ, որոնք սովոր են ըզգալ և մտածել համաձայն կրօնի և բարոյականութեան: Այս շրջանների մէջ այգպիսի յարձակումները բերում են բոլորովին հակառակ հետեւանքներ և համակրութիւնը դէպի հայերը զօրեղանում է: 350 հազար մարկ տարեկան ծախսել օտար ազգի տանջանքները մեղմացնելու գործին, դա կարող է լինել արտայայտութիւն միայն մի խոր քրիստոնէական մարդասիրական համակրութեան (319 — 320): Առաջ բերելով Օրմանեանի գրութիւնը մեծ վեզիրին, յօգւածագիրը ասում է, որ այդ նամակից ներում, որ գանգատ ուղղուած է Վանի վիլայէթի կաթողիկոսական միսսիոնարների դէմ. այդ միսսիոնարները Ֆրանսիացիք են, և ինքը զարմանում է, որ «K. Z.»-ը այդ նամակով արշաւանք է սկսում Հիլֆսբուրգի դէմ: «Օգութեան միութիւնը» սկզբունքով խուսափում է որ և է դաւանական քարոզչութիւնից, վերջապէս ս. պատրիարքի նամակի մէջ մի խօսք ևս չէ լիշուած, թէ բողոքական միսսիոնարները գերմանացիք են: «Ամբողջ Ասիական Թիւրքիայում» ասում է Ռոսբախը, «հայերի մէջ չըկայ ոչ մի գերմանացի բողոքական միսսիոնար, և ընդհակառակը այնտեղ գորութիւն ունին մի շարք ամերիկական բողոքական միսսիոնարական կենտրոնները, որոնց շուրջը հաւաքուած և կազմակերպուած բողոքական համայնքների մէջ 30-ից մինչև 40 հազար հայ կայ»: Հէղինակը նկատում է, որ Հիլֆսբուրգի վարիչները համաձայնութիւն են կայացրել ինչպէս Օրմանեանի այնպէս և Եջմիածնայ Վեհ. Կաթողիկոսի հետ, որ ճընշումի ոչ մի փորձ չէ անելու հայ երեխայոց վրայ նոցա խրչելու համար իրենց ազգային եկեղեցուց. և Օրմանեանը իւր նամակի մէջ ամենևին չէ լիշում Հիլֆսբուրգի անունը (էջ

Յ26): «Կ. Կ.»-ի յօդաձևի ծագման մասին այսպէս է խօսումնս .

«Ես գուշակում եմ, որ այն սրամիտ ոստիկանական կոմ-միսարը (որը արգելեց Բրոկէսի քարոզը Ձէյթունում) հազոր-դած է լինելու Կ. Պոլիս, պալատը, թէ Ձէյթունում երևան է եկել մի վերին աստիճանի վտանգաւոր անձնաւորութիւն և թէ պեռութեան դրութիւնը գուցէ և ամենասուրբ կեանքը (այսինքն սուլթանի) վտանգի մէջ են: Սորանից յետոյ, երևի, մի սարսափելի նոտայով դիմումն է եղած գերմանական դես-պանատանը, և մի որ և է թղթակից Կ. Պոլսում, որը այն-քան է տեսել Ձէյթունը, Հայաստանը և սրբանոցները, որ-քան լուսնի միւս կողմը և որի ձեռքն էր ընկել այս հարցի հետ ոչ մի կապ չունեցող ս. պատրիարքի գանգատը, նստում է և գրում «Կ. Շ.»-ին այն սքանչելի յօդուածը»:

Վերջին տողերում յօդաձագիւրը նկատում է, որ վերին աստիճանի ցաւալի կը լինէր, թէ Թիւրքիայի հետ ապագայ տնտեսական յարաբերութիւնների տեսակէտից, և թէ Գեր-մանիայի բարոյական անւան համար, եթէ գերմանական ար-տաքին գործոց նախարարութիւնը ընդունէ «Կ. Շ.»-ի տե-սակէտը: Նա աւելացնում է. «Գերմանական Հիլֆսբունդ»-ի վարչութիւնը ոչ մի բան այնքան ուրախութեամբ չէ սղ-ջունելու, որչափ ցանկութիւն՝ իւր գործունէութիւնը հա-մաձայնելով կառավարութեան հետ, գիտակցաբար ծառայեց-նել կայսերական արևելեան քաղաքականութեան մեծ նպա-տակներին: Սկսած գործից հրաժարելու մասին խօսք չէ կա-րող լինել, և եթէ նորանից վնասներ են ծագում գերմա-նական հպատակների համար, եթէ մեր արտաքին գործոց նախարարութիւնը անընդունակ է հանդիսանում գերմանա-կան շահերին օգտակար դարձնելու այս նիւթական հարուստ միջոցները, իդէալական անձնագոհութիւնը և Հիլֆսբունդ՝ իամ-քողջ փորձաւորութիւնը և չի կարողանում պարզել Թիւրքիայի կա-ռավարութեան գործի էութիւնը — այն կէտի վերաբերմամբ կո-միտէները հրաժարւում են որ և է պատասխանատուութիւնից»:

ՅԱՐՉԱԿՈՒՄՆԵՐ ՀԻԼՖՍՒՌՆԳԻՒ ՎՐԱՅ

Հիլֆսբունդի (Օգնութեան միութեան) գործունէութեանը շատերը թշնամաբար վերաբերւեցին: Այդ բողոքները կարելի է այսպէս դասաւորել. բողոքները՝ 1) տաճկական կողմից, 2) կաթոլիկների կողմից, 3) հայկական և 4) գերմանական կողմերից:

Բնական է, որ Սուլթանը չի ցանկանում, որ օգնութիւն և համակրութիւն ցոյց տրւի իւր ատած հայերին, նա լաւ հասկանում է, ի հարկէ, նաև որբանոցների քաղաքական նշանակութիւնը. բացի այդ, պետական ինքնասիրութիւնից նա չի ցանկանում, որ գրոսից անմիջական կերպով իւր հպատակներին օգնութիւն հասցնւի, ովքեր և լինին այդ հպատակները, թիւրքեր թէ հայեր, այն մտքով, որ եթէ իրօք մի որ և է կարելի լինէր՝ ինքը կարող կրլինէր օգնելու:

Կաթոլիկները, վաղուց ի վեր մրցելով Արևելքում ամերիկեան բողոքական միաստիոնարների հետ, նայում են Հիլֆսբունդի վրայ եթէ ոչ որպէս մի նոր գործիքի բողոքականութեան տարածման Փոքր-Ասիայում և Հայաստանում, յամենայն դէպս ինչպէս մի կողմնակի միջոցի, որը իրենց կաթոլիկական քարոզչութեան դէմ կարող է դժւարութիւններ չարուցանել: Ի նկատի ունենալով պապականների գործելու ձևերը, որոնք միշտ խարդախութիւններով են ներշնչւած և կռւելու ոչ մի միջոց չեն արհամարում, պիտի զարմանալ, որ այն կողմից «Օգնութեան միութեան» վրայ մինչև այժմ չեն տրւած նշանաւոր չարձակումները. սա, գուցէ, կարելի է բացատրել այն հանգամանքով, որ Վատիկանը, առհասարակ, ուրախ է Քերմանիայի զօրեղանայուն Արևելքում. Գերմանիայի միջոցով նա յոյս ունի աւելի լաւ պաշտպանել իւր շահերը, թիւրքիայում, քան Յրանսիայի³⁶:

³⁶) «Zukunft» (=Ապագայ) գերմանական շարաթաթիբերթում:

Հայերի կողմից անբաւականութիւնը և թերահաւատութիւնը ծագած են դաւանական հողի վրայ. այստեղ ասուում է, որ գերման Հիլֆսբուենդը օգտուում է հայերի աղետալի դրութիւնից, նոցա մէջ իւր աւետարանական քարոզութիւնը առաջ քշելու համար: Այս թերահաւատութիւնը արտայայտուած է եղել և մեր մամուլի մէջ, որը հիմնուում էր, ինչպէս անմիջական աղբիւրներ— թղթակցութիւնների վրայ այն քաղաքներից, ուր Հիլֆսբուենդը ունի իւր որբանոցները, որպէս և օտար թերթերի յօդուածների վրայ: Ս. պատրիարք Օրմանեանի նամակը մեծ վեզիրին, որը գրւած է եղել դաւանափոխութեան առիթով Հայաստանում, չի կարող լինել այստեղ որպէս աշխարհի թշնամական արտայայտութեան մի օրինակ. թէպէտ և այս նամակի վրայ, ինչպէս օտարները, այնպէս և հայերը լռածախ հիմնում են իրենց գանգատները Հիլֆսբուենդի նկատմամբ, բայց իսկապէս ս. պատրիարք Օրմանեանի գրութեան մէջ մի խօսք անգամ չի ասուած «Օգնութեան միութեան» (Հիլֆսբուենդի) մասին, նոյն իսկ ասուած էլ չէ թէ բողոքական միսսիոնարները, որոնց վրայ գանգատուում է նամե՛ծ վեզիրին,— գերմանացիք են:

Վերջապէս, գերմանական յարձակումները «Օգնութեան միութեան» վրայ անուում էին և մասամբ շարունակուում են, երկու տեսակէտից— քաղաքական ու բարոյական: Նոքա, որոնք ջերմեռանդօրէն փախազոււմ են Գերմանիայի հզօրանալը Տաճկաստանում, ամեն կերպ աշխատում են ապացուցանել, որ Հիլֆսբուենդի գործունէութիւնը խնդարում է Գերմանիայի ազդեցութեան բնական զարգացմանը Կ. Պոլսում և ուզելով կոտրել Հիլֆսբուենդի անունը, սկսում են նւագել բարոյականութեան լարերի վրայ, վերագրելով նորա գործիչներին բողոքականութեան տարածման գործում գարշելի ձևեր:

1899 լուլիսի 16, կայ մի շահեկան յօդուած (Der Kaiser im Orient) — կայսրը, Արևելքում՝ խորագրով) Վատիկանի դիրքի մասին դէպի Գերմանիայի Արևելեան քաղաքականութիւնը:

սորա նպատակն էր, ի հարկէ, զրկել Հիլֆսբուռնգը այն համակրողներին, որոնք դրամ են ուղարկում նոցա յօգուտ հայերի: Բնականաբար գտնւեցան մարդիկ, որոնք հայատեաց չը լինելով, բայց չկարողանալով այս կամ այն պատճառով ըստուգել այդ լուրերը, լոկ բարոյական տեսակետից սկսեցին պախարակել Հիլֆսբուռնգին վերագրելով վատ գործերը: Հետաքրքրական է, որ այս վերջինիների թիւը շատ աննշան է, և այս հանգամանքը կարելի է, երևի բացատրել նորանով, որ մեծամասնութեան համար պարզ էր Հիլֆսբուռնգի դէմ բողոքողների անբաւականութեան պատճառը, այսինքն, Գերմանիայի քաղաքական և ելեմտական շահերը Արևելքում: Ինչ վերաբերում է այն շրջաններին, ուր Հիլֆսբուռնգը վայելում է կատարեալ համակրութիւն և նիւթական օգնութիւն, այստեղ յարձակումների հետևանքները բոլորովին հակառակ հանդիսացան, — նւիրատուութիւնները շատացան:

Յոյց տալով «Օգնութեան միութեան» դէմ եղած բողոքների չորս գլխաւոր աղբիւրները, այժմ կը զբաղենք աւելի մանրամասորէն գերմանական կողմից եղած յարձակումներով, և միայն սոցանով, որովհետև Սուլթանի և կաթոլիկների դժգոյութիւնները այն տեսակի են, որ նոցա աւելի լաւ պարզաբանելը հազիւ թէ կարողանայ նոր լոյս գցել մեզ հետաքրքրող հարցի վրայ. ինչ վերաբերում է հայկական գանգատներին, ցաւում ենք որ մեզ յայտնի չէ հայոց լրագիրների Թիւրքիայից այս առիթով գրւած թղթակցութիւնների քովանդակութիւնը. միւս կողմից էլ, ինչպէս ասացինք, հայկական գանգատները մասամբ հիմնւած են եղել նոյն գերմանական աղբիւրների վրայ:

Բնական է, որ պաշտօնական Գերմանիան, իւր ներկայ թիւրքամոլ քաղաքականութիւնը ի նկատի առնելով, չի կարող գրական կերպով, բացարձակօրէն, ոչ որ և է օգնութիւն հասցնել հայերին, ոչ էլ համակրութեամբ վերաբերել դէպի նոցա: Զարմանալի չէ նոյնպէս, որ նոյն երկրի կառավա-

րութիւնը չի կարող գոհ լինել, երբ մինչև անգամ ոչ-պաշտօնական Գերմանիան, ինչպէս, օրինակ, Հիլֆսբուռնգը օգնութիւն է հասցնում հայերին և այսպէս թէ այնպէս զանազան կասկածանքներ և տեղեկութիւններ է ծագեցնում Սուլթանի մէջ: Այս կասկածանքները տաճկական շահերի տեսակէտից ևս կարող են բոլորովին անհիմն լինել, բայց գերման կառավարութիւնը չի կարող զբաղւել դոցա քննութեամբ, չի կարող հեռագրել իւր Պոլսի գեսպանին, որ նա սպառնացանէ Սուլթանին, թէ սա սխալուած է, և հանգստացնէ նորան: Այդպէս կը գործէր Բերլինը, եթէ նորա յարաբերութիւնները գէպի Բարձրագոյն Գուբը չէզօք լինէին. իսկ այժմ, մտադրութիւն ունենալով մի ահագին «արևելեան» ծրագիր իրագործելու, երբ նոյն ժամանակ բոլոր մնացած պետութիւնները, Սուլթանի գահը շրջապատած, անդադար մատնանիշ են անում իրենց պահանջների վրայ, խնդրելով, որ այլ և այլ շինութիւնների արտօնութիւնները իրենց արևի, և երբ այս կամ այն պետութեան լազթանակը այգպիսի դէպքերում, կախած է լինում շատ անգամ Սուլթանի բոպէական յաճոյքից, գերմանական կառավարութիւնը բնակաբար ոչ միայն չի կամենում միջնորդ լինել, հաշտեցնել Սուլթանին ոչ-պաշտօնական Գերմանիայի հետ, այլ բնահառակը, սեշագրութեամբ հետևում է Աբդուլ-Համիդի տրամադրութեանը, միշտ պատրաստ նորա հետ միասին, «առանց սեփական կարծիքի», լարձակելու նորան բարկացողների վրայ և գուրգուրելու նորա սիրելիներին:

Ոմանք ասում են, որ գերման կառավարութիւնը գաղտնի կերպով շատ է համակրում Հիլֆսբուռնգին, ի հարկէ, ոչ թէ սորա մարգասիրական գործունէութեան օլատճառով, այլ այն մեծ ծառայութեան համար, որը «Ոգնութեան միութիւնը» կարող է անել Գերմանիայի ապագայ շահերի համար ճանկաստանում, ինչպէս գաղութային այնպէս և ելեմբտական շահերի տեսակէտից: Սա անկարելի չէ: Ընդհակա-

ռակը, հաւանական է, որ գերմանական հեռատես քաղաքագէտները լաւ հասկանում են, որ 2,000 հայ որբերի՝ դաստիարակութիւնը գերմանացիների միջոցով չնչին բան չէ Գերմանիայի արեւելեան նպատակների համար. զիցուք մինչև անգամ, որ Բերլինի կառավարութիւնը չի բաւականանում միայն բարոյական համակրանքով, այլ և գործնականապէս օգնում է Հիլֆսբունդիին, բայց այս բոլորի ենթադրութիւնները, լինին նոքա ճիշդ թէ սխալ. այստեղ մեզ համար ոչ մի նշանակութիւն չունին. մեզ հետաքրքրում է դաւանական հարցը, և յայտնի է, որ Հիլֆսբունդի վրայ գերման կիսապաշտօնական և անկախ մամուլի կողմից յարձակումներ են եղել, պախարակումներով, որ նա զբաղւում է դաւանափոխական գործերով: Այդ յարձակումները կարող են կեղծաւոր կամ անկեղծ լինել. դորա պարզաբանութեամբ չպէտք է այստեղ զբաղել: Այդ յարձակումները մեզ պիտի հետաքրքրեն այստեղ, ինպէս մի Փաքտ, մի երևոյթ, որը պատահել է, և պիտի միայն փորձել ստուգելու, որքան այդ բողոքները համապատասխանում են իրականութեանը. ինչպէս ասել ենք, այդ կարելի է մասամբ պարզել Հիլֆսբունդի և ուրիշների տւած պատասխաններից:

1896 թւին, երբ եւրոպական և ամերիկական ընկերութիւնները զիմեցին Բարձրագոյն Դռան, որ նոցա թույլ տրւի սովեալ և վիբրաւորւած հայերին և մանաւանդ որբերին օգնութիւն հասցնելու, Բ. Դռուը նախ չհամաձայնեց, բայց վերջը թույլ տւեց, միայն մի պայմանով, որ այդ օգնութիւնը լոկ մարզասիրական լինի, առանց որ և է քաղաքական կամ դաւանական լետին մտքերի: Անցաւ հոգիւ մի երկու տարի, և գերմանական մի երկու թերթերի մէջ սկսեցին երևան գալ թղթակցութիւններ և յօդուածներ Հիլֆսբունդի գործունէութեան մասին, գովասանքով և նկատողութիւնով, թէ Հիլֆսբունդի գործը լաւ հիմք կարող է լինել ապագայ գերմանական գաղթականութիւնների համար Փոքր-Ասիայում:

Պէպէտ այս և սորա նման կշռադատութիւնները «Օգնութեան միութիւնից» չէին արտայայտուում, ո՛չ անմիջապէս ո՛չ էլ անուղղակի կերպով նորա անդամների միջոցով, այլ յայտնուում էին բոլորովին կողմնակի անձերի կողմից, այնու ամենայնիւ, որովհետև վերոյիշեալ կարծիքը սկսեց աւելի յաճախ արտայայտել մամուլի մէջ, գերմանական արտաքին գործոց նախարարութիւնը բաւականին խիստ լեզուով իւր կողմից հասկացրեց, որ գերման կառավարութիւնը այդ կարծիքների և «Օգնութեան միութեան» գործերի հետ ոչ մի կապ չունի. բացի այդ, անուղղակի կերպով նա հասկանալ տւեց ում որ հարկաւոր էր, թէ որ և է թիւրամացութիւնների դէպքում թիւրքաց կառավարութեան և Հիլֆսբունդի մէջ, վերջինը չպէտք է սպասէ իւր կառավարութիւնից որ և է սլաշտպանութիւն կամ միջնորդութիւն:

Բերլինի կենտրոնի տարեկան ժողովի արձանագրութեան մէջ, կարգում ենք ի միջի այլոց հետևեալ խօսքերը. «որովհետև «Օգնութեան միութեան» առաջարկած էր, ի նկատի առնելով քաղաքական հանգամանքները, Հիլֆսբունդին ուրիշ անուն տալ, զանազան առաջարկութիւններ եղան, որոնց վերաբերմամբ մի ընդհանուր համաձայնութիւն ձեռք բերելը դեռ ևս չաջողւեց ³⁷⁾»:

Ինչպէս յետոյ մենք քիմացանք ճիշդ աղբիւրներից, այդ առաջարկութիւնը հետևեալն է եղել. Գերմանիայի արտաքին գործոց նախարարութիւնը առաջարկած էր «Գերմանական օգնութեան միութիւն Հայաստանի համար» (Deutscher Hilfsbund für Armenien) անուան մէջ, «օգնութիւն» բառի փոխարէն գործածել «միսսիոն» (= Mission) բառը, և «Հայաստան» կամ «հայեր» բառերը ամենեւին չլիշել: Նախարարութիւնը առաջարկում էր Հիլֆսբունդին իւր անունը դնել՝ «Գերմանական արևելեան միսսիոն» (Deutsche Orient-Mission): Այս անունը մերժւեց.

³⁷⁾ Aus der Arbeit d. arm. Hilfswerks 1899 April.

Հետաքրքրական է հետևեալ դէպքը, որ պատահել էր պատտոր Բրոկսի (Brookes) «Օգնութեան միութեան» անդամներից մէկի հետ: Այս դէպքը կրեբենք այստեղ իբրև օրինակ, թէ որքան չնչին բաներ են առաժ տալիս գերման կառավարութեան յարձակելու գերմանական հայրենասէրներէ վրայ և մինչև ուր է հասնում գերման կառավարութեան պատրաստութիւնը կատարել առանց այլ և այլի Սուլթանի այս կամ այն հաճոյքը: Անցնելով Զէյթունից, Բրոկսը ցանկացել էր այստեղ, լուսաւորչական մի եկեղեցում, առաւօտեան ժամերգութիւն կատարել: Բայց այն ըոպէին, երբ նա պատրաստուում էր գնալ եկեղեցին, մի սուրհանգակ գալիս է նորա մօտ և արգելում է ժամերգութիւնը: Այս արգելքի պատճառը եղել է մի բառ, որը նա արտասանել էր նախընթաց օրուայ երեկոյեան ժամերգութեան ժամանակ: Ինքը Բրոկսը այսպէս է պատմում. «Երեկոյեան ժամերգութեան ներկայ էր և մի օստիկան կոմմիսար. ես խօսում էի փրկութեան մասին (Առևկաս I, 68). «փրկել» թիւրքերէն ասուում է «կուրմատար», որը նշանակում է նաև «ազատել». կոմմիսարը, որը ոչինչ չի հասկանում կրօնական գործերից, այնպէս է հասկանում, իբր թէ ես խօսում էի հայերի ազատութեան մասին տաճկական լծից: Հետևեալ օրը վաղ առաւօտեան երբ գեռ մութ էր, նա շտապում է լուսաւորչական քահանայի մօտ և ասում՝ «օտարականը, որ այսօր քո եկեղեցում կամենում է քարոզ կարգալ, վտանգաւոր մարդ է, չեզափոխական է, որը ձեր ազգը կամենում է զրգուել, որպէս զի նա կառավարութիւնից անջատելի: Ես արգելում եմ քեզ թոյլ տալ նորան խօսելու»: Դորանից յետոյ քահանան ընդհատեց պատարագը, առևն ուղարկեց ժողովուրդը, փակեց եկեղեցու դռները և ուղարկեց ինձ վերոյիշեալ լուրը»³³: Այս դէպքի հետևանքը եղաւ, ինչպէս նկարագրում է «Berliner Tageblatt»-ի թըղ-

³³) «Der Reichsbote» № 89, 1899.

Թակիցը հետեւելը. Զէյթունի գայմադամը յայտնում է Հալէպի վալիին, իսկ վերջինը՝ Կ. Պոլիս. Բարձրագոյն Գուռն էլ իւր կողմից յայտնում է Կ. Պոլսի գեսպանին, խնդրելով նորա աջակցութիւնը, որպէս զի այսպիսի գէպքեր այլ ևս չպատահեն ապագայում: Այդ միջոցին Բրոկսը վերադառնում է Զէյթունից Կ. Պոլիս, ուր գեսպանատունը նորանից բացատրութիւն է պահանջում: Պաստորը բացատրում է, որ ինքը խօսելով փրկութեան մասին, ոչ մի քաղաքական դիտաւորութիւններ չէ ունեցել: Դեսպանատունը այդ բացատրութիւնը Բ. Գրան գանդատի հետ միասին ուղարկեց Գերմանիայի արտաքին գործոց նախարարութեան: «Մտրա վերջը այն եղաւ, որ, յանուն գեմանական և տաճկական կառավարութիւնների մէջ իշխող լաւ յարաբերութիւնների, պաստոր Բրոկսը, համաձայն կայսերական հրամանի, պաշտօնազուրկ եղաւ, պատէր ստանալով առանց յետաձգութեան վերադառնալ Գերմանիա»: Թղթակիցը ինքը խոստովանում է, որ Փրանսիան կամ Անգլիան այսպիսի գէպքում Բ. Գրան գեմաններին ոչ մի ուշադրութիւն չէին ընծայի, բայց, աւելացնում է նա, զա միայն նորից կ'ապացուցանէր այդ պետութիւնների սխալ դիրքը (incorrecte Haltung) գէպի Թիւրքիան, և բացի այդ, նոցա վարմունքը Գերմանիայի համար օրինակ չէ³⁹⁾:

Բայց ամենանշանաւորն է գերմանական կիսապաշտօնական թերթի «Kölnische Zeitung»-ի արշաւանքը Հիլֆուրունդի գէմ: Նա օգտուեց իւր յարձակման մէջ ինչպէս պ. Բրոկսի հետ պատահած այս գէպքից, նոյնպէս և ս. պատրիարք Օրմանեանի յայտնի նամակից տաճկաց մեծ վեզիրին, որը գրւած է մօտուորապէս նոյն ժամանակները: Որովհետև ս. Օրմանեանի այս գրութիւնը մեծ թիւրիմացութիւնների պատճառ եղաւ, և «Օգն. միութեան» ինչպէս թշնամի-

³⁹⁾ Berl. Tageblatt» ի լուեւածի մէջ «Der Zeitgeist» № 32, 1899,

ները նոյնպէս էլ համակրողները հիմնուած են նորա վրայ իրենց յարձակման և պաշտպանութեան ժամանակ, մենք կը բերենք այդ նամակից քաղաածքներ գլխաւոր կէտերի մասին ⁴⁰⁾: շն ստիպւած եմ, գրուած է Օրմանեանը, դարձնել կառավարութեան ուշադրութիւնը մի գրութեան վրայ, որը վաղուց գոյութիւն ունի և այժմ վատացել է, և որը մեծ նշանակութիւն ունի մեր եկեղեցու և համայնքի համար... Բողոքական և կաթողիկ միսսիոնարները գայթակղեցնում են հայերին, որոնք այժմ զրկւած են կենսական միջոցներից, պաշտպանութեան և օգնութեան զանազան խոստումներով, և հէնց Վան քաղաքում և նորա շուրջը ուր տիրում է ոչ միայն աղքատութիւն, այլ և սով, հայերին խոստացւած է եղած դրամ այն պայմանով, որ նոքա թողեն իրենց եկեղեցին, և անցնեն Հռոմի գիրկը, փոխեն թեակերէ-ի-օսմանիէն, փոխեն ցուցակները... (Zu Rom übergehen, ihr Teskeré-i-Osmanié wechseln, die Register ändern)... նոցա ասւած է եղել որ թոյլ կը տրւի նորանց ճամբորդելու երկրի մէջ և դրամ վաստակելու: Այսպիսի խոստումներից դրդւած, լուսալոյ որ պաշտպանութիւն և օգնութիւն պիտի ստանան այն ազգերի կողմից, որոնց հպատակներն են դառնալու, խեղճ մարդիկը շնորհիւ Վանի միսսիոնարների ստիպւած են եղել անցնել հռոմայական եկեղեցին: Այս դաւանափոխական գործիչները (Proselytenmacher), կամ, աւելի ճիշդն ասած, քաղաքական գործակալները (Agitatoren) իրենց քարոզութեան մի կենտրոն և եպիսկոպոսական աթոռ են հաստել, մտադրութիւն ունենալով իրենց գործունէութիւնը ընդլայնելու:

Kölnische Zeitung-ին կամ գերման կառավարութեանը ս. պատրիարքի հէնց այդ գանգատն էր հարկաւոր: Լրագիրը տպեց իւր էջէրում Օրմանեանի այդ ամբողջ գրու-

⁴⁰⁾ Չունենալով բնագիրը, թարգմանում ենք գերմաններէնից:

թիւնը և սլ. Բրոսի հետ պատահած լիշեալ դէպքի նկարա-
գրութիւնը, աւելացնելով սոցա մի քանի հատու նկատողու-
թիւններ Հիլֆսբունդի հասցէին: Այս յօդւածը խորագրւած
է. «Proselystenmacherei in der Türkei»: (Հաւատարս գոր-
ծունէութիւն Թիւրքիայում): Այս յօդւածի մասին գրեթէ
բոլոր գերմանական թերթերը խօսեցին այս կամ այն մտքով:
Ոմանք արտատպեցին լիովին, ոմանք բաւականացան քաղ-
ւածքներով, ոմանք իրենց նկատողութիւններն էլ արին, մի
խօսքով նա փոքր ի շատ աղմուկ հանեց, որովհետև ամեն-
քի համար պարզ էր, որտեղից էր թելադրւած կիսապաշտօ-
նական «Բէօլնիշէ Յայտունդաի այդ յօդւածը. կամ Բերլինից
արտաքին գործոց նախարարութիւնից, կամ էլ Կ. Պոլսից,
գերմանական ղեսպանատնից: Հարկաւոր է փոքր ի շատէ
ծանօթանալ այդ յօդւածի հետ, որպէս զի հասկանալի լի-
նին նրա նկատմամբ լայնած պատասխանները:

«Այդ կամիտէները (Հիլֆսբունդի), ասում է լրագիրը,
չը բաւականացան գոյութիւն ունեցող կարօտութիւնը մեղ-
մացնելով և ամենաընդարձակ կերպով սկսեցին զբաղել դա-
ւանափոխական գործունէութեամբ. գերմանական տնտեսա-
կան և ազգային նշանաւոր շահերի համար ստեղծոււմ են
այդ հանգամանքից ծանր վտանքներ, որոնց վրայ չի կարելի
ուշադրութիւն չը դարձնել, որովհետև անգլիացիք և ամե-
րիկացիք առանձին հաճոյքով օգտոււմ են ամեն մի դէպքից
տաճկական պաշտօնական շրջաններում կասկածանքներ արթ-
նացնելու գերմանական անշահասիրութեան և բարեկամու-
թեան վրայ և Գերմանիայի նկատմամ խորին տեղգոյութիւն
ծագեցնելու համար: Ս. պատրիարք Օրմանեանի գրու-
թեան թարգմանութիւնը, որը ինքնին ամեն բան պարզ ա-
պացուցանում է, ուղարկւած է մեզ Կ. Պոլսի գերմանական
շրջաններից, որոնք գուշակում են թէ միասնորոնների վար-
մունքից մեծ վնասներ են հասնելու գերմանական շահերին
Արևելքում»: Լրագիրը ասում է, որ ս. պատրիարքի նամա-

կի հիման վրայ, Բ. Գուռը փակեց այն որբանոցները և բարեգործական հիմնարկութիւնները, որոնք կառուցւած են եղել առանց նրա վաւերացման: Վորանով ապացուցոււմ է բաւականին, աւելացնում է նա, թէ որբան սխալ էր հէնց սկզբից, կարօտ ազգաբնակութեան օգնութիւն բերել, առանց հաստատ իմանալու, թէ այդ օգնութեան գործին զօրեղապէս աջակցելու է արդեօք թիւրք կառավարութիւնը, թէ ոչ: Քէօլնիչէ Յայտունգ'ը վերջացնում է խորհուրդ տալով, որ Հիլֆսբունդ'ի գործիչները հրաժաւեն հայկական օգնութիւնից և այն ահագին գումարները, որ նոքա հաւաքում են, գործադրեն Գերմանիայում, յօգուտ գերմանացիների. «մի փոխադրութիւն, որի հետ բոլոր դրամ նւիրողները, հաստատ է որ, համաձայն կը լինեն»:

Այսպիսի խորհուրդներ Հիլֆսբունդ'ը յաճախ է ստացել զանազան կողմերից, և միշտ միևնոյն հիման վրայ, այն է թէ «Օգն. միութիւնը» վնասում է գերմանական շահերին Արևելքում: Այս պատճառաբանութեան աւելացնում են և ուրիշը, թէ դաւանափոխական գործը գարշելի բան է: Միայն ծիծաղելին այն է, որ այս վերջին բարոյական պատճառաբանութիւնը բերում են հէնց նոքա, որոնք ամենացինիկ կերպով կրկնում են Բիսմարկի խօսքերը Արևելքի մասին և յիշեցնում են նորից ու նորից գերմանական ընթերցողին, թէ հարկաւոր է վերջապէս անգլիացիներից սովորել եսական բաղաբանութիւն գործադրելը, զբաղւելով միայն գերմանական շահերով և թողնելով ցնորամիտ մարդասիրական ձգտումները: «Berliner Tageblatt»-ի Կ. Պոլսի թղթակիցը կամենալով ի հարկէ ազգել Հիլֆսբունդ'ի անդամների վրայ, մինչև անգամ հաւատացնում է, որ հայերը թէպէտ և արտաքին կերպով շնորհակալութեամբ են վերաբերում գերմանական հայասէր գործիչներին, բայց իսկապէս, «սրտի խորքերում» նոքա կամ ծիծաղում են «լիմար» գերմանացիների վրայ, որոնք հայերի համար դրամ են ծախում և «այդպէսով միջոց են

տալիս հարուստ հայերին խնայելու իրենց դրամը», և կամ բարկանում են, որ այդ գերմանացիները անշատում են հայ երեխաները հայրենական եկեղեցուց: Թղթակցութեան վերջում այսպէս է ասում հեղինակը. «բայց... բայց ամբողջ այս հայ որբական գործի մէջ (Waisenwerk) մի ուրիշ բան էլ կայ, բացի լոկ մարդասիրութիւնից: Բարեգործական գիմակի տակ ես տեսնում եմ հայրենասիրական շովինիզմ և մոլեռանդ գաւանափոխութիւն»:

Այս տեսակի են եղել առհասարակ գերմանական շարձակումները Հիլֆսբուճը'ի վրայ: Այլ օրինակներ առաջ բերելը կը նշանակէր կրկնել նոյնը: Այդ պատճառով այժմ ուղղակի կ'անցնենք այն հարցին, թէ ինչ պատասխաններ են տրուել դրանց Հիլֆսբուճը'ի և ուրիշների կողմից: Այս կէտի համար մենք, ի հարկէ, նոյնպէս կը շատանանք ցոյց տալով միայն ամենաբնորոշ և հետաքրքրական պատասխանները:

Ե Զ Բ Ա Կ Ա Յ Ո Ւ Թ Ի Ի Ն

Ուրեմն մեզ հետաքրքրող հարցերը սորա են. ա. արդեօք Հիլֆսբուճը'ը ձգտում է գաւանափոխ անել հայ որբիկներին և բ. ձգտում է արդեօք գերմանացնել նոցա:

Նախընթաց էջերում մենք տաաջ բերինք նիւթեր այս հարցերին պատասխանելու համար. հիմնւելով նոցա վրայ և առհասարակ այս հարցերի վերաբերեալ բոլոր նիւթերի վրայ, որոնք ամբողջութեամբ բերել ի հարկէ անկարելի է ⁴¹⁾, կարծում ենք, որ սխալ չէ հետևեալ եզրակացութիւնը:

⁴¹⁾ Հետաքրքրուողի համար կ'բերենք գլխաւոր աղբիւրները «Mittheilungen aus d. Orient». 1899 № 4, էջ 27, № 5, էջ 34, № 9, էջ 73-74: «Das Reich Christi» 1899. ապրիլի յօդած «Deutsche Interessen im Orient». էջ 102: Նոյն թիւրթում, 1899, լուլիս, յօդած «Innere Missionskräfte».—Aus der Arbeit des armen. Hilfswerks» թիւրթում, 1898 նոյեմբեր, էջ 173. 1899 ապրիլ, էջ 43,

Այն ժամանակ, երբ Հիլֆսբուռնդը սկսում էր փոքր առփոքր կաղմուկել, նորա ձգտումները և գործունէութիւնը լոկ մարդասիրական էին—սովեականերին հաց բաժանել, կանանց և որբերին ապաստարան տալ, աւերած գիւղերում, դրամ, շորերդէն, սերմ բաժանել. ահա ինչու մն էր կայանում նոր ըստեղծւած ընկերութեան գործունէութիւնը: Նոյն իսկ այն ժամանակ, այսինքն 1896 թ. հրատարակւած թուուցիկ և այլ թերթերը լոկ մարդասիրական ոգովն են ներշնչւած. Այս մարդասիրական ձգտումներին ժամանակի ընթացքում միացան, նախ, կրօնական ձգտումներ, և լետոյ՝ «արդարացում» քաղաքական տեսակետից (ոչ՝ քաղաքական շահեր), ուրեմն Հիլֆսբուռնդի ձգտումների զարգացումը կարելի է այսպէս ներկայացնել.

1 մարդասիրական	2 } մարդասիրական, 3	մարդասիրական
		քաղաքական (արդարացում)

Այսենք մարդասիրական ձգտումներից: Շատ մեծ սխալ կ'լինէր ասել թէ «անկարելի բան է, որ Հիլֆսբուռնդը ու-

սեպտեմբեր, էջ 128: Բետոյ անհրաժեշտ է լինել «Christliche Welt» թերթից բրոշյուրով արտատպած պ. Ռոբբախի շահեկան յօդածը «Was müssen wir bei der Arbeit für die Armenier berücksichtigen?» (==«Գործելով յօգուտ հայերի մենք ինչ ի նկատի պիտի ունենանք»): Յօդածագիրը մատնանիչ է անում հայոց եկեղեցու վերանորոգման ներքին և արտաքին դժուարութիւնները վրայ: Վերջապէս պատուր Բորոկէսի (Brookes) փոքրիկ յօդածը—«Die gregorianische Kirche und des Evangelium» տպած պատուր Լոնմանի կրօնական թերթերից մէկում—«Der Freiwillige», (==կամաւորը) 1899. № 10, և նորերումս երևան եկած պատմական տեսակետից զր. Լեյպսիուսի շատ շահեկան յօդածը, նորա նոր ամսաթերթում «Der Christliche Orient» 1900 լունւար-փետուար: Կարելի է լինել և թուուցիկ թերթը 1897 թ. «Deutsche Orient Mission», որը լոյս է սփռում այն հարցի վրայ, թէ ինչ կնայ ունի «հայերին օժանդակելու գործը» գերմանական արևելեան միասիոնի ընդհանուր ձգտումները հետո:

նենաց կամ ունենար լրի մարդասիրական նպատակներ առանց այս կամ այն ետական շահերի խառնուրդի: Մենք, հայերս, ինչպէս ուրիշ փոքր ազգերը, ամեն կողմից շահագործւած լինելով, մտնելով ամեն մի նոր լարաբերութեան մէջ օտարների հետ, ահամայ a priori սկսում ենք կասկածել, չ'լինի այս անգամ էլ կամենում են մեզ խաբել, շահագործել: Timeo Danaos et dona ferentes, մտածում ենք մենք: Բացի այդ, մենք, ինչպէս և ամեն մի փոքր ազգ, ունենալով անթիւ սեփական ցաւեր, չենք կարող ըմբռնել թէ ինչպէս կարելի է, որ գոնւին մարդիկ, որոնք իրենց ամբողջ կեանքը նւիրեն այնպիսի մի եսազուրկ գործի ինչպիսին է մի օտար և անյայտ ազգի օգնութիւնը: Չ'պիտի մոռանալ, որ իւր սահմանը ազգին ու հայրենիքին ծառայելու անհրաժեշտութիւնը, որպէս բարոյական պարտք, չի զգացւում մեծ ազգերի մէջ այնքան ուժեղ կերպով, ինչպէս փոքր ազգերի մէջ: Աւերջինների համար ամեն մի անհատի թէ Ֆիդիքական և թէ կուլտուրական կորուստը շատ զգալի է և նա, ով նւիրւում է մի օտարի գործի, նկատուում է գրեթէ ինչպէս դասալիք: Եւրոպական կեանքը ընթանում է համեմատաբար այնպիսի բնական կերպով, նա ունի այնքան հսկողները և պատասխանատուները, որ շատ բնական է, որ գտնւում են այստեղ մի քանի մարդիկ, որոնք մի օտար բայց անհամեմատ անբախտ ազգութեան տառապանքների տպաւորութեան տակ, մի մեծ գործ են սկսում, որի նպատակն է այդ ազգին փոքր ինչ օգնել. բնական է նույնպէս, որ իսուն միլիոնաւոր ազգի մէջ գտնւեցան հազարներ որոնք պատրաստ եղան նիւթապէս օգնելու այդ գործին: Ուրեմ Նիլֆսթունդի օգնութեան գործը չպիտի անպատճառ կեղծաւոր, շահագործական լինի. կարելի է միայն կասկածել և կասկածելով հարկաւոր է փորձել, a posteriori տարցուցանել այդ, և մենք կարող ենք ասել, որ Նիլֆսթունդի գործունէութեան ուսումնասիրումը և հէնց այն

հանգանանքը, որ նորա ծախսած գումարից մեծ մասը գնացել է ոչ թէ որբանոցների և ուսումնարանների, այլ անմիջական օգնութեան վրայ (հացի, սերմի, շորեղէնի և գործիքների վրայ), ցոյց է տալիս, որ լոկ մարդասիրական ձրգտումները, Հիլֆսբուռնդի ուրիշ ձգտումների թւի մէջ, ըսկզբից մինչև այսօր միշտ մեծ դեր են խաղացել:

Ճիշդ է, կայ մի հանգամանք, որը ակամայ կարող է a priori կասկածանքների տեղի տալ: Ինչ է եղել պատճառը, որ մարդասիրութեան խօսուն գործը սկսեցին և տանում են հոգևորականները, այլ ոչ թէ աշխարհականները: Պատահական է այդ ներևոյթը, թէ չէ: Ոչ, պատահական չէ, և այդ ունի իւր պատճառները, որ կարելի է բացատրել:

Մինչև հայկական կոտորածները 1894—96 թ. գերմանացիք գրեթէ չգիտէին ինչ է «Armenier» (հայ) խօսքը: արդէն չեմ ստում որ ոչ ոք գաղափար չունէր թէ ուր են ապրում հայերը: Կոտորածների ժամանակ, երբ գերման հասարակութիւնը լրագրական հեռագիրների շնորհիւ դեռ նոր էր սկսում ծանօթանալ հայերի հետ, գերման հոգևորականները արդէն բաւականի բան գիտէին հայերի մասին: Չպէտք է մոռանալ որ գերման ժողովրդի քաղաքական ուշադրութիւնը միշտ գրաւած է եղել ներքին, գերմանական հարցերով, գերմանական իշխանութիւնների յարաբերութիւններով: Երբ այդ անկախ պետութիւնները, Բիսմարկի օրերով, կազմեցին մի ընդհանուր մարմին, կայսրութիւն, այն ժամանակ ժողովուրդը, հոգեբանօրէն ու քաղաքականօրէն շատ բնական կերպով, սկսեց հետաքրքրել նա և արտաքին քաղաքականութեան հարցերով: Սակայն այդ արտաքին հարցերը դեռ կրում էին զուտ եւրոպական բնաւորութիւն, և այն լայն-համաշխարհային քաղաքականութիւնը, որը այժմ Վիլհելմ II այնպիսի յաջողութեամբ տանում է, երկար պատմութիւն չունի, դուրսէ միայն երկու տասնեակ տարիներ: Մի ժողովրդի համար դա շատ քիչ է, և հասկանա-

զի է, որ գերման հասարակութիւնը ոչ միայն հայերի, այլ առհասարակ Եւրոպայից գուրս բնակւող ազգերի մասին շատ թերի տեղեկութիւններ ունի: Այս կէտում հոգևորականները աւելի շատ գիտեն քան թէ հասարակ աշխարհական քաղաքացիք: Թէ շնորհիւ եկեղեցական պատմութեան, որը ամեն մի հոգևորական ուսումնասիրել է, և թէ ներկայիս Արևելքում տեղի ունեցող կրօնական մրցման շնորհիւ, հայերի ինչ լինելը նոցա փոքր ի շատէ պիտի ծանօթ լինէր: Ամբողջ բողոքը, որ բարձրացրին գերմանացոց պատորները կոտորածների գէմ, շեշտուում էր այն գլխաւոր հանգամանքով, որ «կոտորած են քրիստոնեաներ»: Կարելի է հաստատասել, որ եթէ հայերը քրիստոնեայ չ'լինէին, այն բողոքը, այն ժողովները, որոնք տեղի ունեցան կոտորածների ժամանակ հայերի օգտին, (արդարութիւնը պահանջում է աւելացնել — և միայն շնորհիւ գերման պատորներին) — ամենեւին գոյութիւն չէին ունենալու:

Գալով կրօնական շահերին, պիտի նկատենք, որ այն ինչ որ մենք այստեղ «շահեր» ենք անւանում, չեն կարող «շահեր» աւել ալն մտքով, ինչպէս այդ հասկացւում է, երբ ասում ենք «կաթոլիկական շահեր», «քաղաքական շահեր» և այլն: Չեմ կարծում, որ բողոքական եկեղեցին կարողանայ ունենալ որ և է շահեր, որովհետև նա կազմակերպւած մի մարմին չէ, որը ունենար իր սեփական քաղաքական կեանքը, ինչպէս, օրինակ, կաթոլիկ եկեղեցին, որի ներկայացուցիչները ամեն տեղ պաշտպանում են իրենց հին բները և պատրաստում նորերը յանուն կաթոլիկ եկեղեցու, որպէս կազմակերպութեան: Բողոքականութիւնը անհատական է: Բողոքական եկեղեցու միասնանորները, լինեն նոքա ամերեկացիք, թէ գերմանացիք, նւիրւում են իրենց գործին, հետեւելով լոկ անձնական հակումներին, սեփական հաւատին և համոզմունքներին: Բնաւ զարմանալի չէ, եթէ գերմանացի բողոքական պատորների մէջ գրեան-

ւում են ոմանք, որոնք, խիստ համոզւած լինելով իրենց ղաւանութեան ամենաբարձր լինելուն, ձգտել են տարածելու այդ դաւանութեան սկզբունքները ոչ-բողոքական ժողովուրդներէ մէջ՝ քրիստոնէական և ոչ-քրիստոնէական:

Սակայն այդ քարոզը մի եկեղեցական մտմնի ծրագրի իրագործումը չէ, այլ, կրկնում եմ, հետեանք *անձնական ձգտումներ*: Գերմանական, կամ ամերիկական միսսիոնարները, այդ քարոզով ելք են տալիս իրենց կրօնական ոգևորութեան, անձնական ձգտումին, այն է եղբայրական ծառայութիւն մատուցանել այդ ծառայութեան ամենակարօտներին: Նոքա ծառայում են իրենց իղէալներին: Այդ իղէալները կարելի է քննադատութեան ենթարկել, բայց իղէալները նոցա սևիպկան իղէալներն են, և նոքա ծառայում են նրանց անկեղծօրէն, և միայն նոցա, այլ ոչ թէ իրենց երկրի քաղաքական կամ ուրիշ շահերին: Բողոքական քարոզը կարող է միևնոյն ժամանակ շատ նպաստիչ հանդիսանալ, օրինակ, Գերմանիայի պետական արևելեան ծրագրիներին, բայց բողոքական միսսիոնարները (կարող են լինել ի հարկ է բացառութիւններ) *գիտակցօրէն* իրենց գործունէութիւնը չեն յարմարեցնում այդ ծրագրին: Այդպէս չէ կաթոլիկների միջև: Նիշդ է, սոքա էլ շատ քիչ են հետաքրքրում քաղաքական հարցերով, բայց հէնց այն պատճառով, որ ունին մի *ընդհանուր և միակ հայրենիք*—կաթոլիկ եկեղեցու ահաւոր կազմակերպութիւնը իւր մայր աթոռով—Վատիկանը: Յանուն այդ քահանայական կազմակերպութեան հազարաւոր կաթոլիկ միսսիոնարներ, կամայ և լաճիս ախմայ, այսինքն առանց ներքին կոչման, աշխարհիւ բոլոր կէտերում պապական քարոզ են տնում ⁴³⁾:

⁴³⁾ Մի նշանաւոր ֆրանսիական հեղինակ, (ինչպէս երևում է չափազանց մոլեռանդ կաթոլիկ) հաւատացնում է, որ կաթոլիկ միսսիոնարները Արևելքում անձնէր են իրենց գործին, իսկ բողոքականները սարսափելի եսամոլ: Այս համեմատութիւնը դժւար ընդո-

Աւետարանականութեան և կաթոլիկութեան զրգիչ հանգամանքների զանազանութիւն շատ մեծ նշանակութիւն ունի, որովհետև արտայայտուում է ոչ թէ միայն նոցա նպատակների և հետեանքների այլ և քարոզի ձևերի վրայ:

Ովքեր են, օրինակ, Հիլֆսբուլնդի գործիչները: Մարգիկ, սրոնք, կրկնում ենք, ոգևորած են երկու գաղափարով—տարածել մաքուր կրօնը (բողոքականութիւնը) և «մաքուրել» քրիստոնէական գործերով: Հայ ընթերցողի մէջ, այս խօսքերը կասկածանքի և հեգնութեան ժպիտ կարող են յառաջ բերել: Նորա համար անհաւատալի է, որ գտնուում են Եւրոպայում լուրջ մարգիկ, սրոնք կարող են յափշտակել այդպիսի ձգտումներով. այստեղ անպատճառ պիտի մի լետին նպատակ լինի:

Բայց գիտնալու է մի բան—և հարկաւոր է գորա վրայ մատնանիշ անել, ոչ թէ Հիլֆսբուլնդը արդարացնելու նպատակով, այլ որպէս զի Հիլֆսբուլնդի երևան գալը մեզ համար որքան հնար է, բազմակողմանի հասկանալի դարձնելու համար,—որ մեզ, հայերիս անհասկանալի են մի շարք ձգտումներ, սրոնք սովորական երևույթ են ուրիշի և մանաւանդ եւրոպական ազգերի մէջ: Յայտնի է, որ մենք, հայերս, ոչ անգիտակցաբար, ոչ էլ գիտակցաբար շատ կրօնասէր չենք: Կրօնական հետաքրքրութիւնը պակասում է մեզ⁴⁴: Գիտակցական հաւատ, այսինքն հաւատ, սրը հիմն-

նելի է, որովհետև անկասկած նոքա, (այսինքն բողոքականները), սրոնք նւիրում են մի գործի, հետեւելով անձնական կոչման և որոշ գաղափարի, պէտք որ աւելի անձնւէր լինին, քան թէ «պաշտօնական» միտոննարները—կաթոլիկները: Այդ կարելի է ընդունել միայն այն մտքով, որ կաթոլիկները աւելի մեծ անձնական զոհեր են բերում իրենց պապին, քան թէ բողոքականները, սրոնց զոհաբերութիւնների սեղանը—իրենց սեփական համոզմունքներն են⁴⁵ (La France du Levant, par Etienne Lamy Revue des Deux Mondes 15 սեպտ. 1899, էջ 925—26):

⁴⁴) Այս երևույթը լիջում ենք լոկ որպէս ֆաքտ, այլ ոչ իբրև պատարակելի կամ գովելի շատկութիւն:

ած է՝ ոչ թէ միայն զգացումների այլ և մի ամբողջ փիլիսոփայական հայեցողութեան վրայ, մենք չունինք: Իսկ նայեցէք Եւրոպայում, այստեղ, թէ կաթոլիկութիւնը և թէ բողոքականութիւնը ունին իրենց անթիւ փիլիսոփայական սիստեմները, որոնք անդադար երևան են գալիս՝ իսկզբանէ մինչև այսօր ձգտելով մրցել դրական, փիլիսոփայութեան հետ. այն ահաւոր ճիգը, որը դրել է դրական, գիտնական փիլիսոփայութիւնը կրօնական սիստեմները տապալելու համար, արդէն ապացուցանում են, որքան ուժեղ են այս սիստեմները, քրիստոնէական դարերի մեծ փիլիսոփաները, թէփստները թէ աթէիստները, մատերիալիստները թէ սպիրտուալիստները, զբաղել են ամենալուրջ կերպով ոչ թէ միայն կրօնական, այլ և դաւանական հարցերով: Կաթոլիկ և բողոքական պրոֆեսսոր-աստուածաբանները շատ լաճախ վիճում են փիլիսոփայական հոգի վրայ, և ոչ թէ միայն «որովհետև ըստ Աուգստու այսպէս կամ այնպէս է» և այլն: Զարմանալի չէ, ուրեմն, եթէ գտնուում են մարդիկ, որոնց մէջ խոր արմատացած կրօնական զգացմունքները համերաշխ սպրում են իրենց մտքի բարձր ուսման և զարգացման հետ: Այս կէտը հարկաւոր է ի նկատի ունենալ, որպէս զի չբարձրի, որ եթէ եւրոպական մտքով զարգացած մարդ ի սրտէ նւիրուում է այնպիսի մի գործի, ինչպիսին է՝ Աւետարանը բացատրել անուսում և ծէսերի մէջ խեղդած մի ժողովրդի, պէտք է անպատճառ այդ ձգտումների զիմակի տակ ուրիշ պատճառներ որոնել, լինի այդ բողոքական կամ եսամոլ-կղերական:

Ամեն թիւրամացութիւններից խոյս տալու համար, խօսենք միայն Հիլֆսբունդի վրայ: Բացի մարդասիրական նըպատակներից, Հիլֆսբունդը, ասացինք, ունի և կրօնական շահերը, բացատրելով, որ «շահերի» փոխարէն աւելի ճիշդ կ'լինէր ասել «ձգտումներ»: Մենք ցոյց տւինք, թէ ինչու մենք է կայանում զանազանութիւնը Հիլֆսբունդի կրօնական ձրգ-

տուճների և կաթոլիկ շահերի մէջ, և ասացինք, որ այդ զանազանութիւնը ազդում է և քարոզի ձևերի վրայ:

Յայտնի է, որ լուսաւորչականը, կաթոլիկ դառնալով չի կարող կաթոլիկ դառնալ փոքր առ փոքր, այլ ընդունելով կաթոլիկութիւնը, միևնոյն ժամանակ ընդ միշտ կտրում է իւր յարաբերութիւնները լուսաւորչական եկեղեցու հետ: Կարելի է ասել և աւելին, որ նա կիսով չափ կտրում է իւր նախկին յարաբերութիւնները և ազգային շահերի ու ցաւերի հետ, որովհետև այնուհետև նորա համար առաջին տեղը արդէն բռնում է պապը, և յետոյ ազգը: Կաթոլիկ միսսիոնարները գործունէութիւնը Արևելքում կայանում է նորանում, որ մի կողմից նոքա խլում են որ և է եկեղեցուն պոտկանող անձ, կաթոլիկ դարձնելով նորան, և միւս կողմից ամեն միջոցներով աշխատում են տկարացնել այդ եկեղեցին: Հիֆսբուռնդի բողոքական գործիչները իրենց աւետարանական քարոզութեան մէջ չեն ձգտում խլել հայերին իրենց մայր-եկեղեցուց, այլ, ինչպէս նոքա հաւատացնում են մեր առաջ բերած գրութիւնների մէջ, ընդհակառակը ուժեղացնել այդ եկեղեցին, որպէս զի նա աւելի յաջողակ կերպով կարողանամրցել ուրիշ հարևան եկեղեցիներին հետ մի կողմից, և միւս կողմից — առաջն անէ հայերի մէջ ծարաւող անհաւատութեանը: Այդ երկու նպատակին կարելի է հասնել միայն լուսաւորչական եկեղեցու աստիճանաբար վերանորոգման ճանապարհով: Լուսաւորչական եկեղեցին չի ընթացել զուգընթացաբար մարգկային կեանքի անընդհատ զարգացման հետ: Նա խրել է ծեսերի մէջ, ձևականութիւնը խեղտում է հաւատը. անհրաժեշտ է մաքուր կրօնի ճառագայթները դարձնել նորա վրայ, որպէս զի նրա մէջ արթնանայ ըստ Աւետարանի իսկական հաւատի պահանջը, որպէս զի հաւատը գիտակցական դառնայ, և այլն: Այդպէս են մտածում Հիֆսբուռնդի գործիչները: Բայց ասում են նոքա, ինչպէս անել, որ վերջը, ծառայած լինելու փոխարէն՝ զուրս չգայ, որ

գործեցին ի վնաս հայոց ազգի: Ի նկատի առնելով այն նշանակութիւնը, որ հայոց եկեղեցին ունի հայերի համար, պիտի խուսափեն ամեն մի հանգամանքից, որը կարող կ'լինի թուլացնել այդ եկեղեցին: Բողոքական դարձնելով որ և է լուսաւորչականի և ուրիշներին այդպիսով հաւատափոխութեան օրինակ տալով, կ'նշանակէ գիտակցաբար նպաստել այդ վտանգին: Ի՞նչ անել: Այս հարցի վրայ, որը յաճախ դրական կերպով գրեած է եղել, զանազան պատասխանները յառաջ եկան. սոցա բոլորի ընդհանուր գաղափարը սա է. հարկատր է վերանորոգել հայոց եկեղեցին, ոչ թէ արտաքին այլ ներքին ճանապարհով, այսինքն այնպէս դաստիարակել հայ երեխաներին (ներկայումս—որբերին), որպէս զի նորա մեծանալով նկատեն իրենց մայր եկեղեցու պակասութիւնները և աշխատեն հնոացնել նոցա, գործելով այդ հարցում անտարանական ուղղութեամբ:

Ուրեմն Հիլֆսբուռնգ'ը ցանկանում է, որ հայոց եկեղեցին վերանորոգւի հայերի միջոցով, և ոչ թէ քանդուի օտարների ծեռքով: Այժմ տեսնում է ընթերցողը, որ այն հակասութիւնները, որ ամեն մի քայլափոխում պատահում էինք միսիոնարների նամակների մէջ, իսկապէս հակասութիւններ չեն և գեղեցիկ կերպով ներդաշնակում են: Մի կողմից Հիլֆսբուռնգ'ի աշխատակիցները եւք են տալիս իրենց կրօնական քարոզի ծարաւին, միւս կողմից աշխատում են յարմարացնել իրենց գործունէութիւնը հայերի շահերին. և ըողորքական միսիոնարներից բխած այս նախադասութիւնը թէ «մենք զգում ենք դէպի լուսաւորչական եկեղեցին շերմ սէր և ցանկանում ենք նորան ամենաբարձր զարգացում» — այդ խօսքը կեղծաւորութիւն չէ:

Հիլֆսբուռնգ'ի ծրագիրը սքանչելի է և մեզ մնում է հաւատալ, որ նա անարատ կելլալով գործադրում է այդ ծրագիրը, մեզ մնում է նոյնպէս լուսալ, որ Հիլֆսբուռնգ'ը ապագայում, երբ նորան կը միանան նոր մարգիկ և կը հեռա-

նան հիները, և մի անգամ ընդունւած ազնիւ սկզբունքը կը մնայ անփոփոխ ⁴⁵⁾։ Կարծում եմ որ աւելորդ չէ բերել այստեղ այն խօսքերը, որ պ. Էրնստ Լոհմանը, հարաւային կոմիտէներէի նախագահը, գրել է մեզ, որպէս պատասխան բողոքական քարոզի հարցին։ ⁴⁶⁾

«Կարող եմ ձեզ հաւատացնել, որ մենք բողոքական հեռու ենք հայկական եկեղեցու մէջ բողոքականութիւն քարոզելու մտքից։ Երբ ես հեռանում էի Հայաստանից ⁴⁷⁾, մի ծեր հալ քահանայ, որի հետ միասին գործած եմ տառապեալների համար, ասաց ինձ. «Ուղարկեցէք մեզ Աւետարանի քարոզիչները, որպէս զի նոքա տարածեն verkünden—հրօշակեն» Աւետարան հայոց եկեղեցու մէջ (նօտրը բնագրումն է)։ Եթէ հայկական եկեղեցին ցանկանում է ուժեղ լինել, նա պիտի ներշնչւի ոգեկան ոյժերով։ Որ և է մեռած եկեղեցի, որը հեռանում է միայն արտաքին ձևերի—ոյժ չ'ունէ...։ Ես չեմ սպասում, որ մեր որբանոցներում դաստիարակող երեխանները անցնեն բողոքական եկեղեցին։ Բայց ես խընդրում եմ Աստուծուց, որ, որ նա շինէ նոցանից մաքուր և իսկական քրիստոնեաներ, որոնք հանդիսանան որպէս լոյս և աղ իրենց ժողովրդի և եկեղեցու մէջ։ Ուրեմն թույլ տւէք մեզ միասին գործել յօգուտ ձեր խեղճ ազգի» ⁴⁸⁾։

⁴⁵⁾ Մեր արած եզրակացութիւնները վերաբերում են ներկայ գրութեան և ի հարկէ չեն կարող պատասխանատու լինել ապագայի համար։

⁴⁶⁾ Յունւարի 18, 1900։ Հեղինակը տւել է մեզ առաջ բերած տողերի հրատարակութեան թույլատրութիւնը։

⁴⁷⁾ Անցեալ տարի հեղինակը ճանապարհորդել է Տաճկա-Հայաստանում։

⁴⁸⁾ Մի քանի ամիս սորանից առաջ կայացաւ Բերլինում Հիլֆսբունդի ընդհանուր ժողովը։ Յիշեալ Դր. Ռոտբախը շեշտում էր որբանոցների քաղաքական նշանակութեան վրայ, ցանկանալով երեխ աւելի շահագրգռել ունկնդիրներին, որպէս զի նոքա աւելի աջակցեն աղ գործին։ Դր. Լեպսիուսը իւր ճառի մէջ, ասում են, նկատեց, որ «նայերին օգնելու միութիւն» քիչ է հետաքրքրում այն

Այսքանը՝ դաւանափոխութեան մասին: Ինչ՞ վերաբերում է հայերի գերմանացմանը, օրինակ, ի նպաստ քաղաքական շահերի, Հիլֆսբուհը՝ ճիմնելու օրից, սկզբունքով որոշել էր՝ ոչ մի քաղաքական գոյն չտալ «օգնութեան միութեան»: Բացի այդ, չեմ պատահած, որ հայ որբերին գերմանացնելու հարցը որ և է տեղ շոշափւած լինի, այնպէս որ դժւար ընդունելի է որ այդպիսի ձգտում գոյութիւն ունենայ, մանաւանդ որ «Օգնութեան միութեան» աշխատակիցները ամեն քայլափոխում կրկնում են, որ նոցա նպատակն է, կրթել հայ զաւակները, «ինչպէս հայեր»: Այդ տեսակէտից, որբերի մեծագոյն մասի համար կարելի է հանգիստ լինել, որովհետև սոցա միայն սկզբնական ուսում տալով և սովորեցնելով մի որ և է արւեստ, հէնց որ երեխանները հասնում են այն հասակին, երբ կարող են դրամ աշխատել և հոգալ սեփական ապրուստը, Հիլֆսբուհը աշխատում է անմիջապէս արձակել նոցա որբանոցներից և զրկել գիւղերը, այնպէս որ ինչ ոգով էլ դաստիարակած լինեն երեխանները որբանոցներում, ընդ միշտ վերադառնալով գիւղերը՝ նորա նորից պիտի հայեր դառնան և մնան: Մի փոքր վտանք սպառնում է այն երեխաններին, որոնք նկատուած են որպէս արժանի «բարձր» ուսման: Օտարացուծը յաջողում է դպրոցներում, երբ նոցա դասատուութիւնը ճիմնուած է օտար գրականութեան վրայ և տեւում է երկար տարիները: Եթէ Հիլֆսբուհը չհօգաց հայկական առարկաների դասատուութեան մասին լիշեալ փոքրամասնութեան համար, ու չի գտնի արժանի հայ ուսուցիչներ, որոնք կարողանային զուգընթացութիւն պահպանել գերմանական դասատուների հետ, այն ժամանակ Հիլֆսբուհը անգիտակցօրէն փոքր ի շատէ կ'օտարացնէ որբերին, մտցնե-

հարցով՝ օգուտ թէ վնաս է բերում նա Գերմանիայի պետական շահերին. նա կատարում է միայն իւր քրիստոնէական պարտականութիւնը:

լով նրանց թարմ լիշողութեան մէջ գերմանական տաւաւորութիւններ: Բնական է, որ մեզ համար միւլենայն չի կարող լինել, թէ արդեօք մի քանի հարիւր երեխաներ, փոքր իշատէ հիմնական ուսում և դաստիարակութիւն ստանալուց լետտոյ, մտնելով կեանքի մէջ, օտար կը լինեն իրենց ազգութեան, թէ ոչ: Գոցա թէ կորուստը, և թէ պահուստը չի կարող զգալի չը լինել մեր հասարակութեան համար:

Սկզբից մենք նկատեցինք, որ ժամանակի ընթացքում Հիլֆսբունդի ձգտումներին միացան և քաղաքական ոչ թէ «շահեր», այլ «արդարացում»: Այո, «Օգնութեան Միութեան» կողմից ոչ մի ժամանակ առևաճ չէ եղել, որ իւր արևելեան հիմնարկութիւններով նա կը ձգտի նպատակը Գերմանիայի կառավարութեան քաղաքական շահերին: Ինչպէս լիշեցինք սկզբունքով քաղաքական նպատակները արտաքսւած են «Օգնութեան Միութեան» ճրագրից: «Քաղաքական արգարացումի» մասին խօսք եղել է պոլեմիկայի ժամանակ: Հիլֆսբունդի անդամների կողմից արտայայտւած է եղած, որ Հիլֆսբունդը ոչ միայն ոչ մի վնաս չէ բերում գերմանական քաղաքականութեանը ճանկատանում, այլ ուղղակի մեծ օգուտ. և, որքան մեզ լսլանի է, միայն դոքտոր Ռուբախն է եղել (նա Հիլֆսբունդի գործող մարմնին չէ պատկանում), որը դրական կերպով զբաղւել է այն հարցով, թէ ինչ ծառայութիւն կարող են մատուցանել գերմանական որբանոցները Գերմանիայի արևելեան քաղաքականութեան: Նորա կարծիքները վերև արգէն առաջ բերինք:

Այժմ, վերջին եզրակացութեան համար հարցնենք, թէ քննչ նշանակութիւն կարող են ունենալ մեզ համար գերմանական Հիլֆսբունդը և նորա հիմնարկութիւնները: Պատասխանելով գորան՝ ցոյց կ'տանք այն միտքով օգուտը, որ նա տուել է և կարող է տալ մեզ, եթէ մինչև անգամ նորաներկայիս գործունէութիւնը այնպէս չ'լինի, ինչպէս

վասնայ իոյնայն զմտայնոյ յան իտայն քննող իոյնայն

իրանք նկարագրում են, և կամ եթէ նա ապագայում շեղւի իւր սկզբունքներից:

Ա. Նա շատ նպաստել է Հայոց անլան ժողովրդակա- նացմանը Գերմանիայում և միշտ պաշտպանել է և կ'պաշտ- պանի Հայերին, երբ սոցա վրայ լարձակումներ են լինում մամուլի մէջ:

Բ. Նորա շնորհիւ հազարաւոր հայեր ազատել են սո- վի մահից և մօտ 2,000 երեխաներ ապաստան են գտել:

Գ. Ինչ ոգով և դաստիարակած լինեն այդ հայ որբիկ- ները, ֆաքտ է, որ 2,000 երեխայ փոքր ի շատէ կանոնա- լոր ստում ու դաստիարակութիւն են ստանում և սովորում որոշ արհեստներ. և այդ այն ժամանակ, երբ կոտորածների առթիւ հայկական ուսումնարանները փակեցան Տաճկաս- տանում:

Դ. Հիլֆսբունդի հիմնարկութիւնները իրենց գոյու- թեամբ շատացնում են Եւրոպայի «գործակալները» թիւը Տաճկաստանում: Սմերիկական, գերմանական, ֆրանսիական և այլ միսսիաները հանգիստանում են Թիւրքիայում ինչպէս Եւրոպայի, այսպէս սասձ, ոչ պաշտօնական հիւպատոսներ. նոքա հանգիստանում են, որպէս ոչ պաշտօնական հսկող- ներ տաճկական կեանքի, գլխաւորապէս գաւառներում. կո- տորածների և ուրիշ դէպքերի միջոցին նոքա հաղորդում են պատահաձք Եւրոպային և մամուլը սկսում է խօսել: Մինչև այժմ միայն գերմանական մամուլն էր, որ լսում էր այդ դէպքերում, այժմ բոլորովին ուրիշ է, և մի Լեպտիուսի, Լոհմանի, Բրոկէսի հաղորդագրութիւնները բարձր են գնա- հատւում գերմանական մամուլի մէջ:

Ե. Ինչպէս սկզբում ցոյց էինք աւել, Հայ որբիկները սունին գերմանական խնամակալներ՝ «ճնողներ»: Այդ ճնող- ները լինում են ինչպէս առանձին անհատներ, անձնաւորու- թիւնների մի խումբ, նաև մի եկեղեցի կամ ընկերութիւն: Պահելով իրանց հաշուով հայ երեխաներ, լինելով յաճախ

նոցա հետ նամակագրութեան մէջ, այդ «ծնողները» բնականաբար փոքր ի շատէ կապուում են իրենց «զաւակներին» հետ և պիտի հետաքրքրեն նոցա վիճակով, նոցա երկրի գրութիւնով, կեանքով և այլն: Ուրեմն Հիլֆսբուռնդի շնորհիւ Գերմանիայի հասարակութեան մէջ կան հազարներ, որոնց ուշագրութիւնը գրաւում են արեւելքի դէպքերը և որոնք բարոյական տեսակէտից անտարբեր չեն կարող մնալ դէպի կոտորածները և ուրիշ տխուր անցքերը ⁴⁸⁾:

Զ. Ենթահիւ Հիլֆսբուռնդի դպրոցներին և բողոքականութեան՝ մեր եկեղեցին և ուսումնարանները, նոցա հետ մրցելու համար, ստիպւած կ'լինին վերանորոգել և լաւանալ, այդ ապացուցին ամերիկական հիմնարկութիւնները:

Է. Վերջապէս, Հիլֆսբուռնդի շնորհիւ նոր արգելք է ստեղծուում կաթոլիկութեան տարածմանը Հայաստանում: Այն ծառայութիւնը միայն, որ կատարել են արգէն՝ ամերիկացիք, արժանի է արգէն որ յաջողութիւն ցանկանանք Հիլֆսբուռնդին:

Շատ անգամ լուում է, որ «Գերմանական Օգնութեան միութիւնը» արժանի չէ մեր շնորհակալութեան հէնց այն պատճառով, որ նորա գործունէութիւնը օգտաւէտ է նաև գերմանական շահերին (?):

Կրկնում ենք, Հիլֆսբուռնդը երևան է եկել, ինչպէս հետևանք մաքուր մարդասիրական ձգտումի—ազատել բա-

⁴⁸⁾ Թող կամ տալիս ինձ, որպէս օրինակ, լիշտաակել հետևեալ դէպքը: Անցեալ տարի, ինձ անծանօթ մի գերմանացի, կարդալով նամակս Հիլֆսբուռնդի օրգանի մէջ, գրեց ինձ մի բաց նամակ այն քաղաքի հասցէով, որը նշանակւած էր տպած նամակիս վերջում: Նա գրում էր, որ պահելով իւր հաշուով մի հալ սրբ Հիլֆսբուռնդի որբանոցի մէջ, նա շատ կ'ցանկանար տեսնել մի որ և է հպի հետ՝ աւելի մանրամասն տեղեկութիւններ ստանալու համար իւր «զաւակի»: Երկրի մասին, և որ այդ նպատակով նա մտապիւր է այս ինչ օրը զալ այդ քաղաքը և տեսնել ինձ հետ:

րոյական և ֆիզիկական վախճանից՝ կտորածներից լետոյ մնացած որբերին: Այդ ձգտումով ներշնչած է և նորաներկայ գործունէութիւնը: Անհերքելի է թէև, որ նորագործիչներից ոմանք ոգևորւում են նաև կրօնական քարոզով, այն մտքով, ինչպէս ցոյց տուինք, իսկ ոմանք մեծ բաւականութիւն են ստանում, որ իրենց մարդասիրական գործը նպաստում է և Գերմանիայի պետական շահերին Արևելքում: Եթէ իրօք Հիլֆսբունդի հիմնարկութիւնները ծառայութիւն կը մատուցանեն Գերմանիայի շահերին, գորանից դեռ չի բղխում, որ այդ ծառայութիւնը մեզ պիտի վնաս լինի. և մենք տեսանք, որ այդ ճանապարհի վրայ Հիլֆսբունդը անկարող է գրեթէ մեզ վնաս բերել: Ուրեմն, եթէ նա վերջ ի վերջոյ օգտաւէտ հանդիսանայ թէ գերմանացիներին, և թէ հայերին, այն ժամանակ ոչ միայն երկու կողմը պիտի շնորհակալ լինին, այլ և ամեն մի կողմնակի հանդիսատես պիտի ուրախ լինի, որ բարի գործը օգտաւէտ է լինում՝ ինչպէս ստացողին, այնպէս և անողին: Գորանումն է կայանում կենսական արողի իրենցը:

4 Ե Բ



Սեր տուած եզրակացութիւնները վերաբերւում են գործի այն ժամանակայ դրութեանը, երբ գրել ենք նախորդ տողերը, այսինքն 1899—1900 թ., ուստի պատասխանատու չեն սպառաջի համար:

Մի տարուց լետոյ արտատպելով այս յօդւածը, այժմ հարկաւոր ենք համարում անել հետևեալ ենթադրութիւնները այն թիւրիմացութիւնների առաջն առնելու համար, որոնք կարող են վերաբերել մեր հանած եզրակացութիւններին:

Ամեն մի գործ, քանի գնում է աւելի և աւելի է դառնում շահագործութեան առարկայ, չ'նայած որ այդ գործի

դրդիչ նպատակները լաճախ ամենաեսազուրկ և բարձր զգացմունքներն են եղել: Շատ կարելի է, որ մեծ ազգութիւնների մէջ գոյութիւն ունեցող մրցումը Տաճկաստանում, սրը արագ քայլերով աճում ու լարվում է, հետզհետէ կ'մղէ «Hilfsbund»-ը քաղաքական դեր խաղալու: Ֆրանսիացիք իրենց չափազանց կոտրւած զգալով Գերմանիայի լաջողութիւններից Տաճկաստանում, արդէն կանչում են իրանց քաղաքագետներին և միսսիոնարական ընկերութիւններին ուշադրութեանը: Այն հանգամանքը, որ կաթոլիկութիւնը միշտ եղած է ֆրանսիական արտաքին քաղաքականութեան ամենաուժեղ միջոցներից մէկը և այն, որ բողոքականները, ատելով կաթոլիկութիւնը ու դարևոր կախ մղելով նորա դէմ, ամենայն միջոցներով ձգտում են փակել նորա տարածման ճանապարհները, կարող է դարձնել Hilfsbund-ի հայկական հիմնարկութիւնները կրօնական մրցման լոկ միջոց, ուստի հեշտութեամբ կարող են խախտել այն սկզբունքները, որոնցով նա մտադրութիւն ունէր ղեկավարելու իր գործունէութիւնը սկսելիս:











